

武功縣志卷之一

地理志第一

夫武功古有秦氏之國也有秦氏有女曰姜原爲帝嚳元妃生棄教民稼穡有功堯封于秦號曰后稷后稷卒子不窋嗣不窋末年夏后氏政衰去稷不務乃奔于戎狄之間周興爲岐豐之域平王東遷賜豐鎬于秦秦遂爲秦邑至始皇列天下爲郡縣以秦爲秦漢改武功縣隸右扶風去古秦城二十里王莽曰新光東漢復徙古秦城魏置爲武功郡領美陽縣晉改屬始平郡後魏復

武功縣志

卷之一

一

爲武功郡周改雍州武帝建德三年復置武功郡治郿城已而復爲縣隋改隸京兆郡唐武德三年改置稷州以武功好時蓋屋郿鳳泉隸之尋又析始平置扶風縣四年以岐州圍川隸之七年又以隸岐州貞觀元年隸雍州天授二年又置稷州領武功文明元年析以奉乾陵乾寧二年以奉天置乾州領好時武功蓋屋醴泉而屬京兆府後唐同光中隸鳳翔長興元年復立京兆而以武功隸焉後晉置武功郡後周復改爲縣宋隸永興軍路京兆府政和八年同醴泉移隸醴州金改武亭縣

元復爲武功隸乾州明興因之而通屬西安府廣四十  
五里袤五十里東興平東南鄠南蓋屋西南鄠西扶風  
西北麟遊北乾州東北醴泉城圍三里二百三十步半  
附雍原之麓元末張良弼李思齊增築以據守者循原  
又列十有二城洪武九年長興侯弟都督忠奉詔屯戍  
于此以控制關內復增築之諸城皆至今存舊志云雍  
州之域井鬼之次有平原控其東鳳岡翼其西長川帶  
其北終南太白揖其南蓋古形勝之區強武之國也治  
凡十五里里名見建置志社學下

武功縣志

卷之一

二

有秦氏國

說文炎帝後姜姓所封

不窳

括地志不窳故城在慶州弘化縣南

三里窳

列天下爲郡縣

屬內史

以秦爲榮

後漢地理志

亭註曰秦是

漢改武功縣

元和志武功秦孝公時置柳子厚云秦作四十一縣

部美陽武

隸右扶風

按前漢地理志右扶風郡

國志永平八

徙古秦城

寰宇記東漢省秦縣自魏置

武功郡

按魏武功縣屬扶風郡後魏扶風郡領縣五

寰宇記後魏

移美周改雍州

無考周書武帝大和元

人復置武功郡

按隋書周置武功

復爲縣

寰宇記周

別立武功縣

開川

見唐地理志

隸岐州

唐書云以

於中亭川

開川

本作國川

隸岐州

唐書云以

置稷州

唐書天授二年置稷州大足元年州廢

金改武亭

金志以顯宗諱更武亭為

武亭長興侯名炳

舊志有山原七川六太乙山屬蓋屋太白武功兩山與

襄谷水屬郿五丈原屬岐三時原屬扶風故俱不復載

載其今有者

東原在縣東其南與雍原相直或曰通西原皆謂雍原

云

雍原即縣西原城所附者古周原也鳳岡者原北行岡

也

武功縣志

卷之一

三

武亭川縣川也其南十二里古川口蓋漆水川也

通鑑武亭川註川在漆渭交合處

漆水縣東門外水今認為武水者也自幽岐之間來縣

北受浴水南受潁水入渭鄭漁仲序地理略謂天下如

指諸掌而信漆由富平入渭之說蓋括地志未審幽岐

涇渭脈絡所在富平在涇東漆在涇西安有岐梁之水

越涇而東再至富平始入渭也漁仲誤且如此況其餘

乎詩曰白土沮漆漢書曰釐在漆縣今部同與釐封里有

漆村是也

按縣漆水源出舊普潤縣西青青山下經麟遊合岐  
杜諸水下好時至黃家堡上入縣界 漁仲名樵蒲田  
人宋廸功郎學者稱夾漆先生著述  
志 前漢地理志漆沮水在縣西

浴水乾州西夾道水也亦從幽西梁山來意此或即沮  
水關西人讀浴若于于沮固易訛爾漁仲亦以東自富

平入渭殊誤

按乾州西夾道水名漠谷音莫欲訛云沐浴漠谷水  
出永壽麻亭嶺經乾州西南三十里行夾谷中至董  
晁村入縣界

漳水即圍川水自扶風東門外受鳳泉水至縣南從漆  
水入渭

### 武功縣志

### 卷之一

四

建子溝在縣南十七里近慶善宮

唐太宗  
懸弧地

美陽故城在縣西原八里後漸徙鳳泉東則今扶風境  
內也

古釐城在縣南八里漆村東古有釐氏之國也今縣西  
南三十里亦有釐城者前漢徙置之爾

史記正義曰故雍縣南七里故釐城一名武  
功縣又曰故釐城在雍武功西南二十二里

高泉宮在古美陽城秦宣太后宮也

宣太后秦  
昭王母

慶善宮在川口東南今沒于渭唐高祖故宅武德六年改名慶善宮太宗所生宅也貞觀六年幸之宴從臣賞

賜閭里同漢沛宛帝歡甚賦詩曰詩邱唯舊跡豐邑乃

孤亦在茲弱齡逢運改提劍鬱匡時指麾入荒定懷柔

萬國夷梯山咸入款駕海亦來思單于陪武帳景逐衛

文螭端辰朝四岳無為任百司霜節明秋景輕冰結水

渭元黃遍原隰儲峙積京坻共樂還誰燕歡此大風詩

起居郎呂才被之管絃為功成慶善樂名九功之舞十

一年冬獵于武功賦冬狩詩曰烈烈寒風起慘慘飛雲

清流金鞍移上苑玉勒騁平疇旌旗四望合置網一面

求楚踏手虜殪秦亡角鹿愁獸忙投密樹鴻驚赴沙洲

意騎歛原塵靜戈迴嶺日收心悲洛汭因再幸慶善宮

武功縣志

卷之一

五

上更賦詩曰代馬依朔吹驚禽愁昔叢况茲承睿德懷

天下治端拱車書同白水巡前迹丹陵幸舊宮列筵轍

故老高宴聚新豐駐蹕撫田峻迴與訪牧童瑞氣縈丹

闕祥烟散碧空孤嶼含霜白遙山帝又有過武功舊宅

帶日紅於焉歡擊筑聊以詠南風

詩二篇許敬宗上官儀應制奉和馬今悉著于篇可以

親見當時之盛云帝詩其一新豐停翠輦誰邑駐鳴笳

水昔樹發今花一朝辭此地四海遂成家其二金輿巡

白水玉輦駐新豐紐落藤披架花殘菊破叢庭鋪荒草

蔓流端半池空緜佩蘭荆徑舒玕葉翦桐昔地一藩內

今宅九圍中架海波澄鏡韜戈器反農入表同文軌無

勞歌大風敬宗詩飛雲臨紫極出震表青光自爾家寶

海今茲反帝鄉情深感代國樂甚宴譙方白水浮佳氣

黃星聚太常參鳳鳴層閣鄩雀賀雕梁柱山猶總翠蘅

薄尚流芳琴瑟有遺皓沐德忭稱觴儀詩石闕清晚夏

旋輿御早秋神麾颺珠雨仙吹響飛流沛水祥雲泛宛  
郊瑞氣浮大風凝漢筑叢烟入舜球翠梧臨鳳邸滋蘭  
帶鶴洲偃伯歌元化扈蹕頌王宮後又改爲慈德寺史  
遊遺簪謬詔獎耳筆荷恩休

逸其年今寶村北仍有寺名慈德蓋沒而遷者也

蔡亭在縣西南三十里漢地理志載亭長事者也東漢

徙縣古蔡城而以為亭也今屬扶風縣

後漢王恽字少林除郡令到官至蔡亭亭長曰亭有  
鬼不可宿也恽入亭止宿夜中有女子稱冤明日召  
游徼詰問伏  
辜見獨行傳

高望亭在縣東二十五里唐天后武氏行宮世說中宗  
築以望乾陵者

武功縣志

卷之一

綠野亭今在縣南郭東外為宋儒張子子厚寓所張子  
與武功簿張山甫厚故武功弟子因從子厚遊亭此講  
學焉弘治八年冬戶部尚書沁水李瀚時以御史巡按  
至諸生以白御史御史迺謀于提學副使今少傅吏部  
尚書楊公一清楊公以知縣學通有良治能用其民一  
以責學通踰年乃成改曰綠野書院擇師授徒文教彬  
彬然勃然興焉書院前為堂祠祭子厚而後建講堂學  
舍故禮部尚書吳文定公寬有碑碑曰關中有大儒曰  
橫渠張先生當宋之  
盛以道學鳴于時君子以其德尊與孟子比夫自堯舜  
至于孔子率五百歲而道一傳孔子沒而道無所屬此

孟子之自敘而其自任之意亦可見也至昌黎韓氏以軻之死不得其傳則直歸之孟子然至其時已千歲矣所謂以其數則過矣者而秦漢以下儒者亦多而曰不

得其傳則孟子豈易比哉自唐至于宋又五百歲始得濂溪周子河南程子先生實並時而出而君子獨以先生比之孟子雖程子亦推稱之則其人品之高豈非振古豪傑之士哉故當是時學者爭師宗之人至于今過其地仰其人肅然起敬不能自己武功爲西安屬縣城南有綠野亭先生之遺跡也蓋先生少時學尚木階及至洛中見程子論易自以爲弗及乃遂西還以與學者講究後既出仕於朝他日治獄外郡而還卽移疾屏居南山山下以事著書蓋史之所記大略如此綠野之跡豈其西還與屏居之時乎陝西提刑按察司副使楊君應寧由近臣出領學政公勤善教士子經指授者輒取科第君曰此非所以教學者也嘗行縣顧瞻山水明麗可愛所謂綠野亭者歲久既毀而遺址猶存先賢風旨宛然如見始謀卽其地構屋以祠先生別爲屋俾士子講習其中庶幾仰止景行之意諸生聞之相與感激言于

# 武功縣志

## 卷之一

七

巡按御史李君叔淵叔淵雅重風教乃下其事于君君以縣令宋學通嘗復古廢祠亦知急先務者復以事委之學通方經度財用而邦人士咸樂相助數月而功畢名之曰綠野書院擇士子充于其中而以縣學訓導趙文傑爲之師俾日講性理之學凡縣學諸生則三日一至聽講其規約大率與白鹿雖陽類未幾若西安鳳翔諸生聞風就學者踵至君時坐堂上躬督勸之淵淵乎道學之流行也君既喜其志之成問以書請記夫養士于學校取士于科第此固朝廷今日之法然學校之所講習者皆經傳之精微欲用其人特具存第取之耳爲士者昧其意以聖賢之言止用以資爲利祿之計而不知道與法之不相背也今幸賢靈巨有見於此革其故習特爲此舉以作興之學政者皆如君之用心風教其不變也乎雖然聖賢之言學者於此無弗當講者而橫渠先生九吾今日皐比之師也其書則正蒙西銘具在因其言求其心反之於躬見之於事而又謹其節文循其以禮爲教之規拔于流俗爲世醇儒此固賢憲臣所望于

士子者也于是取科第出為世用以行其所學賢憲臣之意亦豈為士子禁哉書院建于弘治九年六月工畢于是年十二月明今去改建才二十三年矣其廢壞已年十月癸未記

十四五況久遠乎綠野亭故在漢義勇武安王廟後稍

北原岸下有古洞成化末猶傳有石刻亭記居民惡其

害已也乃投其石於井中宋侯欲去狹隘且厭與細民

爭校故移之于此此故葆真庵宋侯易民田恢闕爾何

若仍置諸岸下為實錄近理也縣學訓導趙文傑詩城

開小洞門綠野有名亭已沒荒碑少字石猶存經霜柏老乾坤影遶帶河流今古痕仰止橫渠尋未得日中立馬到黃昏正德壬申翰林院修撰高陵呂柟於綠野書院謁橫渠先生祠堂詩二月入武功載謁橫渠祠春桃

### 武功縣志

### 卷之一

維芳澗好鳥鳴天枝綠野終南翠含情實在茲昂求曾夙夜人亡道未涯徹臯下程氏執禮西仲尼表時脫支曼訂頑那有私瞻依真氣象無復夢中疑茲那有君子跡殊路不岐豪邁存餘烈高懷有我知鵬飛要扶搖鯤化自天池斯文應不斬白日今見之

岸高也岸顏入聲

韋應物宅應物長安人漁陽兵亂後流落失職始更折

節讀書屏居于武功然莫知何里其經武功舊宅詩云

茲邑昔所遊嘉會常在目歷載俄二九始往今來復感感居人少茫茫野田綠風雨經舊墟毀垣迷往躡門臨川流駛樹有羈雌宿多累恆悲往長年覺時速欲去中復留徘徊結心曲

姜原墓舊志云在上南門外南去三百六十步又西四



十步有三坎墓在坎上與東原梅家庄直

隋煬帝墓在縣西原武德五年八月辛亥唐高祖葬帝于此

按煬帝本紀將軍陳稜葬帝於吳公臺下唐平江南之後改葬雷塘唐高祖本紀武德五年八月辛亥葬隋煬帝唐地理志武功西原塋帝所葬塋帝無考煬塋字相似易訛

蘇武墓在縣北

蘇許公墓在縣西博村其神道碑在新寨西道南

石墨鐫華碑隸書刻蝕過半書法猶有漢魏遺意金石略云盧藏用書而金石錄云藏用撰書文苑英華藏用撰序張說撰銘

武功縣志

卷之一

九

游師雄墓在縣西北八里碑爲耕者沒之地華表存焉

按歷代石刻師雄墓志邵纘書石墨鐫華云志張彞民撰

東漢地理志曰潁在漆縣其民有會日中以相與夜中市如不爲則有災咎故志曰風俗剛勁不事華侈務學力農有古人之風漢志亦曰好稼穡務本業有先王遺風然風俗與時推移繫諸習尚自予所聞見今已數變矣其可以定論哉成化時人重使氣不肯順理豪桀者至於把持治吏鄉人皆相推畏高之或至武斷於鄉今卽有冤者不敢正目下吏矣弘治時習侈善饗無豐儉

之節日日擊鼓聚會靡有厭飫少年得分銀尺布則弗計蔬饌置酒彈絃不避長老時節遊衍男女率治容祔服佔佔自見或又好爽快爲賢多言習禮送死奢靡擬諸王侯婿與婦翁至於傾產蓋承平之久法制明白貪官污吏毋所肆意百姓富庶靡有他慮要之天下皆然不獨此也今或不能供賦役葺田廬矣然人事日趨諸簡約斯亦反古之漸也

祿與祿同俗作妖佔店平聲佔佔輕薄也

### 建置志第二

## 武功縣志

### 卷之一

### 十

縣署在城西北北抵城西抵后稷廟下原麓東抵文廟洪武初知縣祀重建倉二俱在署內原麓下草場一在

城隍廟西

圍一百八步

唐有柳子厚縣丞廳壁記

殷頌曰邦畿千里周

制千里之內曰甸服穀梁謂之寰內諸侯爲王內臣其制甚重今京兆府理京師部二十有三縣幅員之廣其猶古也縣吏之長曰令曰丞丞之位正八品下蓋丞述六職以輔其令也秦漢有丞相今尚書有左右丞御史中丞至于九卿之列亦皆有丞下以達天下之縣政有大小其旨同也武功爲甸內大縣按其圖古后稷封有郃之地秦作四十一縣郃美陽武功各異至是合焉蓋嘗爲稷州已而復縣其土疆沃美高厚有邱陵墳衍之大其植物豐暢茂遂有秬秠藿菽之宜其人善樹藝其俗有禮讓宜乎其大雅之遺烈焉貞元之十五年改邑于南里既成新城凡官署舊記壁壞文逸而未克繼之者後三年而頴川陳南仲居是官邑人宜之號爲簡靖

因其族子存持地圖以來謁余為記夫以武功疆理之  
大人徒之多而陳生以簡靖輔其理斯固難矣漢高帝  
嘗詔天下凡以戰得爵七大夫公乘以上令丞與抗禮  
故為吏益難今天子崇念武功與漢初相類分禁旅以  
守縣道武功為多陳生為丞於是而職盜宋有游靖  
賊其為理無敗事吾庸可以度哉為之記云

### 重修縣廳碑

大觀四年夏六月汝陽劉侯幹以承事郎  
勤以身任責整案牒決訟獄事無巨細靡不究心明年  
改元政和治行稍著士樂教養農勤田畝強悍者屏息  
良善者安處老有養疾有醫官無調發民無積逋闕境  
歡戴政益閒暇一日侯謂同僚曰有官守者常樂因循  
而憚改作事漏弗填忽頃弗支期以代去自為得計其  
或好遊觀務將迎起臺榭陂池之役倚勢作威因緣為  
奸至於公宇之微往往引嫌而不加意是誠何心哉及  
其屋壞垣頽倉皇失措又負偃植疲民蠹財不可勝計  
如是則公府奚賴子待罪於此既喜民之易治又喜前  
人之用心顧瞻庭宇華屋在前金碧輝映乃開封高士

### 武功縣志

#### 卷之一

徹所建手詔亭也堂皇在後規摹簡約乃藍谿呂義山  
所新正寢也淮陽錢秉創口鑿堂大梁李守作清心堂  
河南趙茂曾增修錢庫及居養院陽翟孟通廣闢庖舍  
內外完葺煥然一新唯合廳湫隘敞陋殆不堪處驗其  
故記實天室中神公世衡改造迄今八十餘年侯復嘆  
曰不廢不興不微不新舍此而不事不惟有愧於前人  
之用心亦何異夫樂因循而憚改作者邪矧是廳也頌  
詔出令承流宣化之所臨制劇邑絡繹兩川喉襟數路  
正當四達之衝亦必有以稱矣於是慮材鳩備徹去棟  
檁梁桷之折撓與夫蓋瓦級磚之缺者躬自經營悅使  
有術人不以為勞增廣制度壯偉闕耀人不以為後聽  
既成侯會賓寮落之是日也黃童白叟聞溢庭下瞻仰  
咨嗟始知公府之嚴令尹之尊也如是嗚呼當是職者  
必有以處是廳也處是廳者必有以任是責也侯之祖  
坦踐歷中外為時聞人嘗受知於仁廟有醇儒循吏之  
稱所賜飛白宸翰至今寶之侯念德不息果能任責以  
孚民望真可謂善世其家者也則斯文之作豈特記新  
廳之歲月揚厲侯之盛美又得發明名邑之因以召後

人故係之以詞其詞曰太白崢嶸作鎮坤靈武功山連  
亘古長青堯封后稷周賜秦嬴作邑於此因山命名漢  
自渭南徙古郿城宇文造周易治中亭中亭之川原隰  
砥平唐為稷州作輔陪京復隸天府邑是以寧鳳岡西  
拱武水南傾人尚禮遜俗務農耕神堯誕聖瓌題騰聲  
姚合發詠柳子詳評我侯臨蒞訟簡刑清民無調發兵  
無戰征匪植其私匪僥其榮克紹祖德允協民情恢廣  
制度新于其聽聽非侈己乃尊朝廷吏振其職民樂其  
成載瞻載仰政治惟馨  
敢告來者無忘經營

儒學在縣署東北抵城東西皆抵民廬而獨堂西七丈

許抵北街洪武初知縣祀建正統時知縣後重修宋有

縣令趙茂曾碑士志於道者常患乎不得遂其學得遂

時能信之則君子以為榮遇焉此武功縣學之興而銘

### 武功縣志

### 卷之一

七

覽奏以壽春縣令趙茂曾知武功事秋八月公去崇寧  
元年春三月茂曾始來是秋貢士府十四縣懸格所取  
武功居多皆嘆息其遺者尤眾既冬邑人相謂曰戢盜  
賊撫良善政令之所在也孝弟嫻睦以考其行絃誦講  
習以和其心性命道德以進其學實士人之所望焉乃  
謀葺孔子廟聚生徒而淺陋不可居十二月有詔建州  
學縣學養士之法同僚相語以州縣吏雖尊賤有次其  
申明孝弟孰後先邪茂曾瞿然以興曰疇敢不祇若王  
之休命明年春訪隙地稟於府願易廟西樓店基為學  
舍知府事虞公策從之徹木於淫祠經費于計臺轉運  
副使許公天啓可所請即日給官錢五十四萬資其用  
度於是築新基南向為麗澤堂左右前廊缺布八齋名  
之以道德皆新作也其東宜聖殿小學職掌之位庖廚  
祭器隸者所直舊舍足焉補缺益舉與新允稱總五十  
楹基長二十有五尋廣十有二尋餘六尺經始於二月  
乙丑落成於三月癸巳嗚呼學校為事必興於聖人極  
盛之時三代可監也蓋備所養以期所用今吾君待天  
下之上厚矣天下之士官思所以副之茂曾何人獲宜

聖化且得効犬馬之力於其間爲遇爲榮罔可言計謹拜稽首敘事勒銘著之金石以告學者銘曰夏后庠序商邦瞽宗周王頌宮申之孝弟漸摩仁義名殊迹同明我主超三邁五人材是隆民有彝則好是懿德合由以容家黨術國塾庠序學慨然聿崇選升次舉匪私是與允期於公咨爾有眾學以致用勿尸厥中人孝出弟居仁由義敏則有功以副據碑則今之縣署乃學不知盛時允能庶幾三代之風

何時改易之豈金元兵燹之餘草昧之際縣廢而學存治事者姑且居之乃其後竟因而不返與正德八年知縣劉紹重建明倫堂十三年御史張文明行縣以廟學頽敝命知縣昌修理更以渭源度頭抽分益之昌憂去明年御史張欽行縣見其益敝乃與守巡參政畢昭副

武功縣志

卷之一

使楊鳳謀通借咸陽行棧抽稅屬同知趙錦監抽會都御史鄭陽檄至嘉啟厥工提學副使何景明知府劉祥又通責諸知縣瑋茲方集工舉事未已云倉一在堂西南

稅課局正德二年罷

郃城驛在城東南洪武初知縣祀建驛倉卽堂左右廂驛草場在驛東南城隅

長寧驛在縣東四十五里俗曰東扶風鎮軍站也成化中移置清水石嘴

按對山集驛改置清水而其卒徒皆徙自扶風

陰陽學在縣門外今廢為縣獄

醫學在大十字東舊有地三間今存其半俱知縣祀所建

僧會司在報本寺

道會司在鴻禧觀

申明亭在縣門外與旌善亭同處舊志言遊鳳有古旌善亭又有古倉在社學之西

諸行署布政司在宣化街按察司在縣署西東面府署

武功縣志

卷之一

古

在縣南北面長寧分司即古長寧驛也敝則與興平縣

合力修之禮部侍郎河東薛文清公瑄過武功書按察

紅渭河水遠波聲小太白山高樹影重遺址已無慈德

寺居人猶說有萊封東行無限前朝事盡在黃塵綠野

中都御史柳陽曹璉次韻后覆封萊萬世功登臨偏感

夕陽紅風生武水波千尺雲鎖香山樹幾重唐宅基湮

青草合許公碑古碧苔封行人欲問當年事都在漁樵

晚笛中侍郎南陽張周幹次韻南首名山號武功渭河

水浸曉霞紅煙迷隋塚高千尺雲鎖卻封厚幾重比屋

詩書多巨室滿城桃李總花封太宗唐主曾生此猶說

遺踪在寺中都御史清安方漢次韻誰向茲原啟聖功

周人王業伴殘紅猶瞻王氣千年迴誰道名山萬里重

慶善有宮留佛住姜嫄無廟任雲封連城舊跡知多少

都入荆榛瓦礫中知縣宋學通次韻公暇循何遍武功

滿川春雨落花紅泉通玉井三千丈雲鎖連城十二重

郿伯遺亭書綠野姜嫄荒塚倚邵封大川一子讀書處

遺跡猶存

上閣中

諸急遞鋪總鋪在府衙西迤東三鋪抵興平日韓店可  
會長寧迤東北一鋪抵乾州曰董晁

諸社學舊惟儒學西有故稅課局址爾弘治癸丑知縣

學通以提學條約則里置一學又遴選其子弟可教者

里設一師己乃時督率之學各有所在令得詳之有興

復者庶幾因而求焉在城里即儒學西者坊廂里在布政分司之西俱得里在王宅村遊

鳳里在遊鳳集奉安里在奉安村韓店里在可曾鋪西馬午里在故長寧驛西與城里在焦上村顯義里在燒

香臺渭源里在東渭源村會同里在鄭村永豐里在張浦村永安里在南姚安村邵封里在高村姚安里在鏡

武功縣志

卷之一

五

照村

演武教場在東郭門北外

養濟院在邵城驛西

漏澤園在東郭門南外

市集在縣方內者三而縣不論最大者長寧集月無間

日遊鳳集普濟集以日相遞而已

祠祀志第三

文廟在縣署東宋知武功趙茂曾建元世祖十五年至

元戊寅縣令王君營復之尋擢行臺掾去長安杜淵繼

為令力成其役宋有大觀聖作之碑天下皆有刻茲不  
載元有李顯碑洪武初知縣祀更建正統中知縣俊加  
葺治焉有訓導曲新碑二碑文辭鄙冗俱不載

社稷壇在北郭門外

風雲雷雨壇在南郭門外

厲壇在小北門外

城隍廟在東門內成化時知縣璩重修正德初知縣鍾

仁嗣修焉

姜原廟長安志在城外西南原麓間傍有后稷廟今俱

武功縣志

卷之一

六

亡矣今后稷祠在城內西上故寶意寺址也弘治丙辰

知縣學通改建祠後又作姜原祠

修撰呂耕登謁后稷祠詩夫子天下烈播

穀廣炎皇苴茅當茲土種德邈無疆有口咸食力罔極  
齊穹蒼二月武功曲鸚鳴柳半黃星言拜古祠陟山雲  
中翔煙川睇春縣覽極獨慘愴風塵翳寰宇  
麻黎裂予腸緬惟躬稼澤誰可使均穰

唐高祖祠在鳳岡之巔前則太白行祠也太白蓋封內

故山漢永平八年建祠于此洪武丙辰都督耿忠以縣

有高祖故宅故祠高祖于太白廟堂之後而別自為太

白祠記

洪武九年春予欽承上命領兵來戍陝右操練屯田以為邊備東自臨潼櫟陽高陵涇陽三原

醴泉興平乾州武功西抵鳳翔岐山扶風南至郿縣盩厔等處悉致屯所農作既興厄於亢陽種未得下遠近



咸以爲憂詢諸故老皆曰西南太白乃本邑之  
有湫池歲旱則奉迎是水每禱輒應粵以四月中  
日齋戒躬致祝辭遣僧覺用等齋香帛祝文詣山頂投  
辭請水既至率官僚吏卒暨郡民數百千人備鼓吹郊  
迎展祭于武功太白之神祠是夕大雨霽三日乃止  
遠近罔不周沃及六月又早禱請如前復獲霽足秋八  
月禾將垂實旱甚復請禱之大雨隨至變枯槁爲欣榮  
易呻吟爲歌嘯感神之賜甚渥也越明年丁巳夏四月  
六月俱旱復奉迎請禱如前歲之儀而亦兩蒙靈貺雨  
皆尺餘關輔之中軍民鼓舞二歲之間凡五禱於神其  
感應前後一如影響白穀咸成年歲豐登靈貺駢臻曷  
伸報答先是鳳岡上舊有神之行祠歲代綿遠廟貌傾  
損門廡廢闕乃命工匠士卒補完而增修之圖繪兩壁  
粧塑神像煥然一新又令人於武功故城得神之碑誌  
於遺廟之側具載太白古今顯靈之跡并歷代加封徽  
號蓋自唐元宗天寶中勅建廟貌封神應公宋仁宗嘉  
祐初封濟民侯七年改封明應公神宗熙寧八年進封  
神應王其所以衛國濟民靈應昭晰祀典秩然歷歷可

### 武功縣志

### 卷之一

七

見嗚呼人敬神而獲福神依人而廟享人以誠感神神  
以靈佑國此幽明自然之理也今以神前後靈感顯應  
之跡直書刻石置於廟壁庶使後之觀者亦知所崇敬云  
**唐有李白登太白峰杜甫**

### 喜達行在所詩因并附之

李白詩西上太白峰夕陽窮

關廡承冷風去直出浮雲間舉手可近月前行若無山  
一別武功去何時復見還杜甫詩西憶岐陽信無人遂  
卻迴眼穿常落日心死著寒灰霧樹行相引蓮峰望或  
開所親鷺老瘦辛苦賊中來其二愁思胡笳夕淒涼漢  
苑春生還今日事問道暫時人司隸章初觀南陽氣已  
新喜心翻倒極嗚咽淚沾巾其三死去憑誰報歸來始  
自憐猶瞻太白雪喜遇武功天影靜十官  
衷心蘇七校前今朝漢社稷新數中興年

### 唐太宗祠在北郭內鴻禧觀三清殿後宋元祐戊辰直

### 龍圖閣游師雄建有趙茂會碑

與有大寶聖人守焉上  
推軒義傳記罔悉道德

乎堯舜仁義於禹湯文王有周大勳集武而幽厲廢之  
侯國蜂聚七雄蟻爭以昭祖龍而二世亡之漢乘秦虐  
俯首以取權操與備因漢弱而攘裂晉則虛誕不枝而  
宋齊梁陳潰墊於口口口正統墜絕有唐階暴隋以興  
昭寢衰五代竊據天開地泰乃歸於有宋之真人焉顧  
若相因迭為興廢者得明主賢臣可取法有暴君汚吏  
足為戒皆所以資我聖皆為永永無窮太平之治具也  
然歷觀前史惟其有甚勞亂之患然後生大英傑之君  
故必能措海宇於昇平拯黎庶於塗炭則漢之高祖唐  
之太宗其倫乎按唐記太宗文皇帝以隋開皇十八年  
十二月戊午生於武功之別館有二龍戲門外三日而  
去是京兆府武功縣之南有唐慶善宮今為慈德寺乃  
其所也北日報本寺神堯之舊宅焉先是縣圖雖載厥  
事而祀秩無文龍閣游公慨然興嘆率里人即報本北  
隅經始廟貌法大壯以建殿宇想天日而形塑繪左右  
壁間悉圖正觀朝臣英姿凜然彷彿見當時之盛於是  
肅嚴致敬有所實元祐三年戊辰歲也後十四載洛陽  
趙茂曾被命長邑一日至祠下而龍閣公弟師韓語之

# 武功縣志

## 卷之一

六

故且求以記遂諾之曰僕元祐末典獄平涼見君之伯  
氏為使者愛民以道率吏以誠觀其激風俗敦教化使  
法令美意下浹於田父野老之肌骨雖古昔召父杜母  
之流莫可過者若夫執律馭師則折衝尊俎笑談帷幄  
豫計勝否驗若符契致朝廷威靈遠震於口口重譯之  
巢穴雖前世班超李牧之輩無以尚矣我思其致今也  
則亡常企慕之恨不得述其梗概茲幸君之及此也昔  
梁州人侯柏年以廉泉之名誇其閭里而史筆之書不  
遺矧公肇是祠宇俾後世識者以人物稱其風氣則追  
遠厚俗之意豈淺也哉故論前世治亂之迹見文皇帝  
之英傑因記其祠之者名字云游公名師不知何時作  
雄字景叔大宋崇寧元年申元日謹記

觀祠前洪武初都督耿忠重修而仍圖凌煙功臣二十

四人于左右壁其上各書唐史本傳乃更刻太穆皇后

傳及帝世系於舊刻帝幸慶善宮詩碑陰跋諸後曰

洪武

丙辰春忠欽承上命領兵萬餘來關中悉建屯戍因吐  
武功而控制之武功實有唐太宗誕育之地山川孳靈  
篤生賢聖信不誣也暇日尋訪故基得古碑於城南榛  
莽中上刻太宗御製詩二首乃舊立於慈德寺而史樹  
於安養堂者碑陰載順聖皇后傳歲代縣逸字畫磨滅  
始不可辯於是感文皇之聖孝慨盛迹之沈湮遂命工  
重爲勒復置於城北鴻禧觀蓋太宗遺像在焉庶使後  
人益知所敬而傳之永久云時洪武丁巳正月十有九  
日也康長公謁詞詩陪日生靈極羣雄問獨夫八荒歸  
聖歷數語見皇圖李密終潛洛鄒陽肯事吳辦香陳國  
賦懸弧

**名宦祠**在縣署內儀門東外所祀古今三十三人

**鄉賢祠**在文廟戟門西外所祀古今三十八人

**報本寺**高祖別宅也在北門外慈德寺見慶善宮寶意

武功縣志

卷之一

五

**寺**見后稷祠橫渠先生祠見綠野書院太白行祠見高

**祖祠**鴻禧觀見太宗祠外有東嶽廟在東郭外漆水東

**關王廟**在南郭西外坎下火星廟在小北門外東北野

**田中**無名氏慈德寺詩昔年高祖宅今日梵王宮塔聳

日休心處烹茶話祖風羣應物經寶意上方詩翠嶺香

臺出半天萬家烟火照晴川諸僧近住不相識且聽微

鐘記往年康長公寶意寺詩傷秋人事絕習靜人招提

掃葉坐松下看書忽日西青雲雙翼歛白髮近年齊欲

別浮生者悠悠向爾栖前人同高合登太白祠覽李思  
齊故城元命厭天紀八表需同昏羣雄各自起天眷安  
所存李生效時哲攬轡來此軍崇墉俯深壑飛鳥不能  
伸自謂險宜恃寧知君欲仁古帝發淮浦裨將入咸秦  
一鼓事乃定初接身已殉冤魂夜夜哭血風千里聞國  
不務宏遠險阻何足云前人書鴻禧觀戴法師壁一結髮

尚茲道半百靡所指因喜宮殿清常陪隱逸士殿羽言談  
眞詮清心詣元理雲冥雙鶴歸露下繁蛩已媿爾烟霞  
人安得從圭七康阜觀東嶽廟寶神鳴鑼擊鼓天黃昏  
老姆稽首如蟻蟠板呼喊盆震地起鬼怪嶢崎相塵吞  
女兒百十擁隊出拽朱點翠如天孫神祇若來雲若垂  
節拍未竟新者奔君不見豐年黍稌未彌壠夜半科催  
門方掇

武功縣志

卷之一

三

武功縣志卷之二

田賦志第四

洪武二十四年田凡一千八百九頃一畝六分七釐永樂十年增二十四頃二畝八分弘治十五年增二十九頃三十畝一分正德七年計一千八百六十二頃三十四畝五分七釐

戶正德七年一千九百七十有八口二萬七千四百三十有一視弘治十五年戶增二十一口增二百五十七視永樂十年戶增二百八口增九千八百五十四視洪

武功縣志

卷之二

一

武二十四年戶增二百九十五口增一萬四千七百四

十一民戶九百七十七軍戶九百一十九匠戶三十三名尉力士戶五廚戶一打捕陰陽醫戶各二樂戶

九

賦弘治已上不論論今所賦者一萬七千二百二十七石八斗二升九合九勺一抄七撮該夏七千七百二石三斗八升三合九勺八抄七撮秋三千五百二十五石四斗四升五合九勺三抄綿布一千三百五十四匹二丈四尺有桑七千二百八十株該絲綿二百三十九斤三兩五錢課程鈔商稅九千四百貫三百文酒課三百七

十貫四百文水磨課六百九十一貫水磨與其戶今亡  
六七十年而課鈔猶存乃繼徵之其里人人不能自備  
田賦庸調又安能他及此此積弊深遠民出之而不知者  
也

正賦之外有驢馬牛站五年一易易者又五年已又代  
之五年之內諸丁賦歲調力役事無一免焉故站戶多  
至流移豪右者或據其業爲己有不然卽張大聲勢流  
移者懼自恐弗遠遭逼也故益抵僻壤有終其身不能  
問墳墓識田廬者矣

武功縣志

卷之二

二

丁賦有戶口食鹽鈔八萬九千三百一十六貫折銀  
三釐計二百六十七兩九錢四分八釐柏子仁五十斤  
貝母七斤石膏一斤菖蒲五斤瓜蔓根七斤金銀花四  
斤共折銀七兩綿羯羊十隻十兩又有軍器銀四兩布  
價銀六兩通計二百九十四兩九錢四分八釐而其餘  
歲調不與焉賦役之事往予不可曉也自所及見者其  
紛紜謬亂何可勝道予竊傷之焉長吏乍服官政平居  
未嘗覘識民隱一旦據案執筆老書黠算反覆相幻則  
不勝其煩漣至有舉手以付者矣豪民巧爲規避交倚

貴重買官鬪吏無所不至戶以己爲昂而已反趨低故  
低者益昂昂者益低愚民輾轉相慕至以爲能不如此  
不可以自快也此其微豈一日之漸哉

物產五穀皆美種而瓜果蔬菜亦嘉木宜桑柏榆柳椿  
檇桐柏楸梓白楊竹藥稱芫花小薊甘遂地黄半夏香  
附車前益母薄荷烏獸惟所恆畜亦有狐兔鶴鵲鳩雉  
鶉雁燕雀然在在有之非特產也地東南大宜木綿桑  
故蠶織之業廣焉然多爲細人覬覦營利故其人反貧  
甚至寒不得衣繼締諺曰物豐于所聚利竭于所產豈  
武功縣志

卷之二

三

不誠然乎

別錄曰芫薊  
生武功川谷

官師志第五

唐韋維字文紀進士對策高第擢武功主簿督役乾陵  
會歲飢維均力勸功人不知勞終太子右庶子與宋之  
問同時

維安陸人司庫員外郎知人子遷戶部郎中善  
裁割時員外宋之問善詩故時稱戶部二妙

駱賓王義烏人七歲能賦詩初爲道王府屬王令賓王  
自陳所能不答歷爲武功主簿裴行儉總管洮州辟掌

書奏不應調長安簿徐敬業敗賓王亡命不知所之

裴行儉字守約  
聞喜人善知人

毛若虛絳州太平人眉長覆目性殘鷲天寶末爲武功  
丞年六十餘肅宗還京師擢監察御史後又至御史中  
丞有罪貶賓化尉死

李澄并州文水人舉明經高第授成安尉會母喪免除  
武功尉以政尤異遷主簿累官京兆尹祿山陷東京蔣  
清害之贈司徒謚忠懿

澄音呈 按祿山陷東京留守李澄坐府中御史中  
丞盧奕坐臺中祿山使人執之及採訪判官蔣清皆

### 武功縣志

### 卷之二

四

殺之非蔣  
清害澄也

薛播河中寶鼎人擢進士累授殿中侍御史遷武功令  
溫敏而裕與人交有常官至禮部侍郎卒贈本部尙書  
張署貞元中舉進士博學宏詞爲校書郎尋爲武功尉  
治有政績擢監察御史貞元十九年貶郴州臨武令尋  
移江陵掾京兆府司錄參軍遷尙書刑部員外郎出爲  
虔州刺史與韓退之同時終河南令

陳南仲潁川人貞元十八年爲武功丞邑人宜之號爲  
簡靖



姚合陝州破石人中書令元之孫也元和申進士及第

調武功尉善詩世號姚武功遷監察御史累轉給事中

歷陝虢觀察使終祕書監合有武功縣居詩三十首宋

張及王願為合皆繼刻石置縣署中縣居詩其二縣去

齊馬隨山鹿放雞雜野禽棲連舍惟藤架侵墻是藥畦

更思惟叔夜不擬作詩題其二方拙天然性為官世事

疏唯尋向山道不寄入城書因病方收藥緣食學釣魚

養身成好事此外盡空虛其人簿書銷眼力枯酒耗心

座到處貧隨我終年老起人簿書銷眼力枯酒耗心

早作歸休記深居過此身其四簿書銷眼力枯酒耗心

消醉卧慵開眼閑行懶繫腰移花兼蝶至買石得雲鏡

且自心中樂從他笑寂寥其五曉鐘驚睡覺世事便相

關小市柴薪貴貧家砧村閑讀書多旋忘餘酒數空還

長羨劉伶輩高眠出世間其六性疎常愛卧親故笑悠

武功縣志

卷之二

五

悠縱出多攜枕因衙始裹頭上山方覺老過寺暫忘愁

三考千餘日低腰不擬休其七客至皆相笑詩書滿卧

床愛閑求病假因醉棄官方鬢髮寒唯短衣衫瘦漸長

自嫌多檢束不似舊來狂其八一日看除日終年損道

心山宜衝雪上詩好帶風吟野客嫌知印家人笑買琴

只都隨分過已是錯彌深其九隣里皆相愛門開數見

過秋涼送客遠夜靜詠詩多就架題書日尋欄記藥窠

到官無別事種得滿庭莎其十窮達天應與人問事莫

論微官從似客遠縣豈勝村竟日無多食連宵不閉門

齋心調筆硯唯寫五千言其十一縣僻仍牢落遊人到

便回踏當邊地去村入郭門來酒戶愁偏長詩情病不

開可會衙小吏恐為踏青苔其十二自下青山路三年

前百榷沙吏來山鳥散酒熟野人過岐路荒城少烟霞

窮愁欲不勝病多唯識藥年老漸親僧夢覺空堂月詩

成滿硯冰故人多得路寂寞不相和其十五誰念東山

路栖栖守印床何年得事盡終日逐人忙醉卧誰知  
閑書不着行人問長檢束與此豈相當其十六朝朝  
不展多病怕逢迎引水遠通淵壘山高過城秋燈照  
色寒雨落池聲好是吟詩夜披衣坐到明其十七簿  
誰能問風寒趁早眠每句常乞假隔月請官錢還往  
詩備親情恹酒顛課身須上計終久是歸田其十八  
門風雨裏落葉與堦齊野客嫌梧小山翁喜枕低聽  
知道性尋藥得詩題誰更騎馬閑行祇杖藜其十九  
腥羶都不食稍稍覺神清夜犬因風吠誰能帶雨鳴  
官常卧病學道別稱名小有洞中路鄰雞引我行其  
十官名簿不計酒熟日開封晴月消燈色寒天挂筆  
驚禽時並起閑客數相逢舊國蕭條思青山隔幾重  
城牆驚蝶遺花藥遊蜂帶蜜香惟愁明早出端坐吏  
傍其二十二門外青山路因循自不歸養生宜縣僻  
品喜官微淨愛山僧飯閑披野客衣誰憐幽谷鳥不  
入城飛其二十三一官無限日愁悶欲何如掃舍驚  
燕尋方落壁魚從僧乞淨水憑客報閑書白髮誰能

武功縣志

卷之二

年來四十餘其二十四朝朝門不閉長似在山時賓客  
抽書讀兒童斫竹騎人貧還易老多病懶能醫酒友應  
相怪休官日已遲其二十五戚戚常無思循資格上官  
閑人得事晚常骨覓仙難醉卧疑身病貧居覺道寬新  
詩久不寫自算少人看其二十六漫作容身計今知拙  
有餘青衫迎驛使白髮憶山居道友寄蔬食吏人嫌草  
書須爲長久事歸去自耕鋤其二十七主印三年坐山  
居百事休焚香開勅庫踏月上城樓飲酒多成病吟詩  
易長愁慙慙問漁者暫借手中鉤其二十八長憶青山  
下深居遂性情疊堦溪石淨燒竹甞煙輕點筆圖雲勢  
彈琴學鳥聲今朝知縣印夢裏白憂生其二十九自  
狂傲性吏事固相疎祗是看山立無嫌出縣居印朱沾  
墨硯戶籍雜經書月俸尋常請無妨心落百憂中拜別  
吏無能事爲文舊著功詩標八病外心落百憂中拜別  
發朝客歸依鍊藥翁不知還往內誰與此心同又有遊  
春詩十二首告作尉時詩也其一正月一日後尋春更  
不眠自知還近備單說過如面看水寧依路登山欲到  
天悠悠芳思起多是晚風前其二卑官常少事備縣又

無城未曉衝寒起迎春忍病行樹枝風碎軟菜甲土淨  
輕最好林間鵲今朝足喜聲其三詩酒相牽引朝朝思  
不窮苔痕雪水裏春色竹烟中迎雨綠池草催花倚樹  
風盡非名利事愛此少人同其四塵中主印吏誰遣有  
高情超暖簷前坐尋芳樹底行土融凝聖色冰敗滿池  
聲漸覺春相泥朝來睡不輕其五疎頭無異事隨例但  
漆年舊歷藏深篋新衣薄絮綿暖風渾酒色晴日暢榮  
弦同伴無辭困遊春貴在先其六看春長不足豈更覺  
深勞寺裏花枝淨山中水色高嫩雲輕似絮新草細如  
毛併起詩人思還應費筆毫其七悠悠小縣吏顛顛入  
新年遠思遭詩惱閑情被酒牽戀花林下飲愛草野中  
眼疏嬾今成性誰人肯更憐其八處處春光遍遊人亦  
不稀向陽傾冷酒看影試新衣嫩樹行移長幽禽語旋  
飛同來皆去盡衝夜獨吟歸其九朝朝看春色春色似  
相憐酒醒鶯啼裏詩成蝶舞前摘花盈手露折竹滿庭  
煙親故多相笑疏狂似少年其十卑官還不惡行止得  
逍遙晴野花侵路春陂水上橋塵埃生暖色藥草長新  
苗看卻煙光散狂風處處飄其十一身被春光引經時

### 武功縣志

### 卷之二

七

更不歸嚼花香滿口畫竹粉粘衣弄日鶯狂語迎風蝶  
倒飛自知疏懶性得事亦應稀其十二曉脫青衫出閑  
行氣味長一瓶春酒色數頃野花香朝客聞應羨山僧  
見亦狂不將童僕去恐謂損風光書縣丞舊廳宮殿半  
山上人家向下居古廳眼易覽老吏語多虛雨水澆荒  
竹溪沙擁廢渠聖朝收外府皆是九天除縣中秋宿鼓  
絕門方掩蕭條作吏心露垂庭際草螢照竹間禽棋  
罷嫌無月眠遲聽盡碁還知未離此時復更相尋

宋張及舉進士爲殿中丞祥符八年出爲武功令有政  
績喜文學及慕姚武功之爲人於是刻姚武功縣居詩  
四十餘首于石

神世衡洛陽人放兄子也初以放蔭補將作監主簿天  
聖中知武功天性嚴明政令皆緣人情本土俗凡所行

先與民約度其可必行始布下之民以爲便已也乃更求民所疾苦與祛洗之夏人犯邊自新平以下時被屠掠民洵洵莫能自保或欲避南山嶽僻中世衡集僚佐父老告曰虜所以敢凌我者徒以民未習戰騎射儉寡爾顧關中人何有難是者於是選其子弟可教者數千人置標的與子弟約束騎射乃鑄金錢懸標的上令曰中錢孔者以錢予之初三四人中錢孔各予一錢數日則三四十人中錢孔再踰月則數百人皆連中錢孔故當時稱武功人無弗善射者世衡之所教也初武功人

武功縣志

卷之二

八

數拒吏治吏苦于追集世衡曰官慢令易信故百姓不就此長吏之罪也我今請易之有所呼集但以片紙榜其門曰縣追某人期某時到追者即持所榜趨縣毋後期者其威信在人如此至今猶傳之後置制環慶鄜延邊事皆有奇績官止東染院使環慶路兵馬鈐轄卒贈成州團練使羌人朝夕哭臨者數日清澗及環人皆畫像祠之

王頤爲大理丞治平中遷武功令端重該博治有良績以縣故有姚武功詩刻人且蝕矣迺更以五體書刻而

識之

高士徹開封人爲令有治績遷監察御史後復貶知縣事已而復遷御史給事中官至御史大夫

呂義山蘭谿人擢進士初爲涇陽主簿遷知武功百姓親之後遷監察御史至戶部侍郎

錢秉淮陽人知武功愛民慎罰民畏之如神明私無敢犯令者三年卒于官

李宗大梁人舉進士爲鄆簿歷岐山武功令所至有政聲後知慶陽卒

武功縣志

卷之二

九

趙茂曾洛陽人先爲壽春令建中靖國元年知京兆府孫覽奏更武功崇寧元年春始至官用法平恕三年治成百姓咸服

孟通陽翟人以仁厚治縣號爲得體民樂其用修繕城郭官署學校不刑一人人趨事赴工唯恐有不悅也官至諫議大夫

劉幹汝陽人大觀四年知武功臨政不苟行己治事以身爲先時民感焉詳見游靖碑

張山甫偃師人熙寧間除武功主簿時朱光庭簿萬年

程伯淳簿鄠三子者齊名關中號三傑焉與張子厚善故武功因有子厚綠野亭

元王君志失其名世祖至元中爲武功令建置廟學工欲成擢行臺掾去

杜淵長安人繼王君知武功能繼成王君之事

明興有耿忠者鳳陽人長興侯從弟也洪武九年詔統鳳陽軍萬餘人屯戍關內而居控于武功號令嚴明士毋敢易暇日問俗廣教民忻忻興禮讓焉學校城郭皆所議置旋師之日父老送者以數萬計民至於今猶稱武功縣志

卷之二

十

之曰耿三官人云終都督僉事潞西子曰耿都督非武功吏以有治及武功故予得載之焉

知縣自建置初至撰志時得之于故志及父老所談說與所身見者二十有七人具以所聞者稍列其行事嚴祀鳳陽人洪武初除故志稱其臨事簡愛民誠然官署學校與壇墀祠廟皆所創作草昧更革之際而能如此則可以知其志矣

賴禮南康人第進士除知武功故志稱惠焉

宮廷靜樂人有明政予少時於父老聞其事實今忘之

矣終九年無細過去

曹俊靜樂人父老云其行事無忝於官亦九年去

蘇孝澠池人正統時除有平政于民民德之嚴公以後凡言知縣者無以加蘇公也然善廉克謹事無小大無敢忽即不怒民無弗威弗惠民無弗懷天順壬午卒于官卒之日百姓若喪考妣故志載禱神事絕驗其精誠所感豈不信哉今可以附見其微細正統甲子當鄉試蘇公夢神人告曰汝縣合舉二人明日萃當試者十一人置十一闕以二花字內之曰得花者舉已而李紀張

武功縣志

卷之二

士

劉得後果二子得舉

闕音鳩拈闕闕取也內與納同

寇如圭宜賓人性剛毅明辯迎事而決無有留滯嘗曰細民何可令耐煩如許九年致仕去民咸思之

劉志河內人為人仁厚有禮凡所施行務存長者民服其教毋忍私違也嘗值歲旱聞太白靈湫身往禱之或以山多陰氣恐其羸憊冒寒別有他咎止之不聽卒致湫來雨隨至各沾足其所未至則絕無涓滴百姓迎勞道左以數萬計見雨來則爭以雨具授公公麾去曰此

神貺我民者我何可易不敬九年致仕去老幼婦子  
哭逐扳號者不可勝數語曰民可以誠動不可以詐劫  
其言豈不足信哉

李玉江西人

張英沁水人

孟玟大名人三子者雖少不逮前數公要其無惡聲云

邊鐸藁城人善罵甚威儀以賊罷去

甚與鮮  
赴同

劉彝鹽山人美儀宇治尙整肅民敬畏之

武功縣志

卷之二

三

高璲繁峙人爽慨明允政無冗焉

張宏內鄉人成化中除爲政嚴毅有斷凡所約束民畏  
之猶鬼神嘗曰守令之職治民事神而已治民弗以禮  
教是棄民也事神不能蠲潔職業雖誠然猶慢也夫刑  
罰以禁姦止邪或加諸無辜則何以訓方來故其行事  
皆於言毋少戾矣予少時聞長老談述張公之事則私  
自識記爲政有綱紀文章若張公其庶幾乎哉後乃以  
誹罷去至今咸以爲冤成化時知縣能顯名久遠者顧  
獨有張公



成化時知縣謂寇如

圭至王翼十二人

劉翼介休人朴魯無威儀乃爲百姓侮成蠱腫亟歸則死諸塗中

陳潤泗水人好俠喜用計數民初亦易之然能先人急難仗義有口成化甲辰歲大饑民相食流移者十已六七潤集父老豪桀垂涕告曰潤雖不才尚賴倉有餘粟可以活父老子弟今悉去將安舍之況父老素無資蓄一曰他委溝壑何若死首邱乎於是發倉賑焉士大夫百姓賴以活者萬計而其家實不肯私內一錢是時盜

武功縣志

卷之二

三

賊恣橫屬豪傑者四捕之雖束薪立礫諸市由是比縣亦無盜矣乃喜怒亡常遇士大夫或尊禮已甚卽又媢罵無忌已卽又佯若未罵者故士大夫多不直云官至應天府推官

王翼遼東人成化末除寬易善諱好遇士大夫必尊禮之焦上村逆旅主人陰殺旅人匿其貨置屍遍滿數井翼悉發治之時以爲能

王琰祥符人弘治二年除目盲不能任事居兩年以憂去

宋學通字文淵湖廣永州人弘治四年除善治威儀與人接言笑一無所苟左右雖久侍莫能揣摩意向性瀟潔謹守畏法令嘗曰政在去其所害而與其所利爾他皆細故雖多毋足校也於是極意砥礪至里老書算與諸在官人終其官莫得民杯酒者矣諸賦役事期在均平或百方籌計善奸極巧之人毋能肆其貪緣呼集公事簡約省易止責諸直年餘盡燕坐亡擾地里遠近皆有定約故卒亡後期者又喜勸勵學校日自督責諸生諸生卽有所毀譽心不以易也曰我職蓋若此後稷祠

武功縣志

卷之二

四

維野書院皆所創建民歡忻向工若赴絢塗居九年以誣罷去人莫不冤之然益可以證其行事矣澣西子曰予爲生員時宋侯執守莊嚴蓋凜不可易云有貴勢者得罪人之賂以宋侯與善也託解之焉侯卒不肯或曰此不可失歡者公升止曰夕倘弗利奈何侯曰彼良善無辜而死覲有以雪之今予明知其事又苟且弗決是上負邦典下負無辜鬼神謂何竟坐法不少貸後所以成是誣者此貴勢陰爲之爾宋侯去後遺法故行中才之吏取而行之亡弗效者至正德十二年始盡變無有

矣語曰知之非艱行之惟艱行之非艱守之爲艱豈不誠然乎

党茂忻州人弘治十二年除性瀟篤質直而善緘默御吏治民不責於人情之外事完令行而已中吏剛正不畏強禦譽來不喜謗至不怒有長者之道焉當路者以爲才劣於縣改渭源檄至慨然委任以去人至今稱其賢茂後九年而有濮劉氏益表表然長者也

歐陽讓吉水人弘治十五年除能揣摩事體凡有所施行惟所私計計定卽羣呼噪於前佯唯唯耳卒不以易

武功縣志

卷之二

五

也事小大多寡亡有與吏一語者吏饒敏慧給辨莫能窺識所指故吏皆殊窮浸潤者終其官雜費無紀實不能鉤致一錢嘗自言曰己既不能廉又使人分虐下民此何爲者去之日民亦無有怨者

王志遼州人弘治十八年除尋以憂去改南鄭遷金州知州

谷鍾仁字壽卿臨潁人正德元年除有奇志喜張大炫耀凡所施設惟恐人弗駭異也中顧好賢樂士暇則延士大夫置酒高會賦詩言志其樂陶陶然其意條然非

筐篋刀筆所拘繫也再踰年以憂去

崔傑定州人正德四年自鳳翔丞遷未幾以病罷去  
劉紹字繼芳濮人端謹誠篤人也正德五年除有書手  
作弊紹發治之踰月書手死其家人誣以爲杖死也昇  
其屍來請金爲葬寮佐怒欲治之紹不肯曰人死杖木  
之下者宜不少設果非病死吾爲民父母何忍其死無  
葬也於是以金子之哀矜惻怛猶數月未平也紹在官  
當塗者咸禮重已甚而居己治民乃一切以長厚臨事  
又能鎮靜固蹕壬申癸酉之際蜀漢有警西征將士俱

武功縣志

卷之二

六

億不可勝冗他縣皆先期飭備人不堪命而至多弗稱  
紹待其至始徐爲之民不知勞而士皆稱足曰民不可  
先事久勞人情勞久則避故弗能爲用也與人無間言  
接士大夫恭而有禮公私宴會輒引飲不辭卽甚醉益  
從容不放閒居未嘗出一妄言十二年以病告歸小大  
一誠終始無媿古稱淑人君子其儀一兮心如結兮蓋  
紹之謂也至其犯而不較毀譽不形雖故稱長厚者亦  
未能或之先也

孫昌字啟宗陝州弘農人正德十一年除明年有憂報

至卽日解印持喪然貧莫能歸昌因士大夫告巡撫公  
巡撫公乃移檄縣吏約爲治行典史張進者陰狡無狀  
人也適代署縣事新與昌息昌曰若予典史治吾事吾  
亡行之日也於是索其派戶來自治之或多所低昂民  
由是益不直昌或怨言矣進又妄把持昌至指爲疏闊  
不得行士大夫以理喻之始已易曰苦節不可貞貧蹇  
屯乏之際誠已難居者哉

馬瑋字玉仲遂寧人正德十三年除

縣丞有襄陵賈盛南陽寇銓蜀蔡華田濟項城魏信任

武功縣志

卷之二

七

鄧劉琮汾州呂彥士鄧州劉欽清平王江惟銓信終九  
年去而彥士能禁輯強橫凡所施行捷於影響有機辯  
人咸畏之雖廉介不足亦一時之能吏也居三年以憂  
去欽繼之能道說法令有犯者雖過誤悉按法不少貸  
今有劉景鈞州人正德十二年自三原簿遷

典史有董英常秦郭自經董廣劉英張儀張進董英沁  
人有才略民敬畏之及罷去猶服用毋敢後也董廣藁  
城人與宋侯同時宋侯恆用之二董之後略無足觀者  
張儀儀封人刻薄狡險善虐其民取之極骨髓及語百

姓則曰吾爲吏廉士大夫不知也卽有弗廉我家敢昧城隍城隍靈當使我父子橫死同日不踰年果父子同日死壯兵祇候儀宅者是夜未寐見二長鬚人皂衣持鎖突入儀寢兵以爲同事者俄傳儀子死兵亟尋持鎖者內無有也乃儀亦暴死日中張進固安人科索歲無虛日民不能堪也乃益恣肆不悛至長吏不敢制或有所不稱數持刃擊令丞戶兇狠百種罵令丞夜以繼日母有倦也孫昌爲令時進以私贓舉發已逃去一年及覘知定妥乃復來昌矜其逋久且貧委曲與收俸治事武功縣志

卷之二

六

及昌憂去乃更以虛妄把持昌明年御史行縣汰去夫進視儀其惡甚不少也顧其報獨淺於儀何哉

教諭有謝茂實富順人性嚴重不苟爲笑語日雞鳴而起寒暑風雨無少怠是時士習尙俠重武後則多畏憚不敢肆矣

楊春安岳人勤以教人而嚴以守之士畏敬感激無異存日

王文解人頗以剛毅自居然善惡多疑所私比者往往陰中人過失文卽以爲謗已輒毀罵無已以此士多不

直或怨憾矣

林士雲邛人勤學善教歲無暇日陳潤知縣集僚佐及諸學官或不敢正目而士雲獨易以爲慢己也九年致仕而去

劉相成都人性樂易有容喜論說終日千萬言無倦也又克勤善教士多愛之後累遷唐府右長吏

曹山字東陽蜀榮縣人性敏易有學善問辯理道教人懇懇亟亟惟恐弗皆賢也當是時士習尚漸實不浮靡放恣矣曹先生繼林劉二君而造詣更遠故士益趨於

武功縣志

卷之二

五

學浩浩乎莫之能禦也澣西子曰曹先生時余正爲生員親承其教其同時有趙先生爲訓導遂庵虎谷兩君子又躬自督責士之遭際已過盛矣故宜其汲汲於學也曹先生後至工部員外郎

俞鼎字伯器洛陽人能使諸生亡犯所令至號整齊六年遷鑑安知縣有政績尋改咸寧再遷甘肅行太僕寺丞

金嘉玉字廷獻富順人正德十二年補除

訓導李善者楚人也有盛德克勤善教今去已百年而

人思之如在後又有曲沃人田禮曲新一子皆有令名其萊蕪人張顯孟人張憲泌陽人魯文蜀人周吉不聞其行事故無能述焉

金鼎字大器榆次人頎貌偉容博學善辯以條理約束諸生故諸生毋敢違者日坐齋室心休休焉弗知其卑官矣

趙文傑字士英內江人性直遂罔計而甘貧嗜學寒暑顛沛不少易也初來時察諸生皆可教乃殫盡心力敢後者則痛撻之諸生方喜恣縱自得故亦多私怨謾趙

武功縣志

卷之二

二十

先生者趙先生乃不嫌其怨謾己顧督責益嚴時遂庵先生以綠野書院新成士就學者日廣方遴擇學官知無如趙先生者於是以趙先生主綠野書院趙先生益自砥礪故諸生至今能趨向於學焉潞西子曰昔余爲諸生時趙先生顧獨愛余特厚爲責索余時視科舉績學若秋毫浮烟以趙先生爲厲己也或數梗之趙先生乃遂讐視余而余亦數年不直趙先生然趙先生意在研精覃思以成余之恢廓也顧予卒戾其指意今夷思其行事默數其所恆觀其何能彷彿趙先生孟子曰執德



不回非以干祿蓋趙先生之謂矣後趙先生遷雲夢知縣有悍民趙先生力竄徙之後竟以其黨所陷罷去此故成敗之際何可論趙先生也

陳厚字熙載台州人承諸先生之後其學又富贍可師也故諸生咸愛敬之其同時有王延鳳宜陽人後又有建昌李咸蔚州張仁然安能若陳先生者今有楊錦榮河人

醫雖小道然有足觀者其表表然顯名于時若扁鵲倉公列諸遷史況郡縣乎今得其二人附官師之末楊珣

武功縣志

卷之二

三

長安人以名醫召入太醫院授武功醫學訓科診治殊驗所著有傷寒撮要針灸詳說行於世康佐余從祖也以醫推擇爲訓科善方脉能與病者踰年決死生歷千百人亡一謬者有醫問三卷雜治略五卷診法一卷

診音軫  
候脉也

武功縣志卷之三

人物志第六

史記后稷名棄其母有邰氏女曰姜原姜原爲帝嚳元妃姜原出野見巨人跡心忻然說欲踐之踐之而身動如孕者居期而生子以爲不祥棄之隘巷馬牛過者皆辟不踐徙置之林中適會山林多人遷之而棄渠中冰上飛鳥以其翼覆薦之姜原以爲神遂收養長之以初欲棄之因曰棄棄爲兒時屹如巨人之志其游戲好種樹麻菽麻菽美及爲成人遂好耕農相地之宜宜穀者

武功縣志

卷之三

一

稼穡焉民皆法則之帝堯聞之舉棄爲農師天下得其利有功封棄于邰號曰后稷帝舜曰棄黎民阻饑爾后稷播時百穀別姓姬氏后稷之興在陶唐虞夏之際皆有合德后稷卒子不窋立

韓詩章句姜姓原字或曰謚號也詩傳名原

唐高祖神堯皇帝姓李氏諱淵字叔德隴西成紀人涼武昭王暠七代孫自暠五世有名天賜者爲魏幢主生虎有功于周與李弼等八人皆拜柱國號八柱國周受魏禪追贈唐國公虎生昞昞生高祖獨孤皇后高祖之

從母也故文帝與高祖相親愛大業中爲岐州刺史治于武功而家焉所謂慶善宮也太宗實生于此大業十三年高祖爲太原留守時煬帝南遊盜賊蜂起太宗知隋必亡陰結豪傑舉大事懼帝不從因與裴寂選晉陽宮人私事帝乃告之五月以詐殺副留守王威高君雅與突厥連和遂起兵而有天下在位九年傳之太宗

幢音牀旛幢旌旗之屬

獨孤皇后文帝后

太宗皇帝諱世民神堯次子母曰太穆后竇氏開皇十八年己卯十二月戊午生帝于武功宅有二龍之瑞方

武功縣志

卷之三

二

四歲有書生謁高祖曰公在相法貴人也必有貴子及見太宗曰龍鳳之姿天日之表年幾冠必能濟世安民書生去高祖懼其語泄使追殺之不知所往因以爲神乃採其語名之曰世民大業中突厥圍煬帝于鴈門帝年十六應募往救遂隸將軍雲定興部下設疑示虜虜遂引去後高祖起兵徇西河斬其郡丞高德儒至霍邑會天久雨高祖欲還兵太宗諫曰義師爲天下起也宜直入咸陽號令天下今守一城是爲賊耳高祖不納太宗哭于軍門高祖驚召問之曰還則眾散于前敵乘于

後死亡須臾所以悲耳高祖悟曰起事者女也成敗惟女遂進兵克長安定四方累進中書令初高祖起太原非其本意而事出太宗及取天下太宗功益高高祖屢許以爲太子建成懼廢與齊王元吉日謀害太宗九年六月太宗以兵入元武門殺太子建成及齊王元吉高祖聞之大驚遂以太宗爲皇太子八月甲子卽皇帝位帝聰明英武其除隋之亂比迹湯武致治之美庶幾成康自古功德兼隆漢以來未之有也

史傳周富辰襄王大夫也襄王十三年鄭人伐滑王使武功縣志

卷之三

三

伯服游孫伯如鄭請滑鄭人不聽王命而執二子王怒將以翟伐鄭富辰諫曰凡我周之東徙晉鄭焉依子頽之亂又鄭之由定今以小怨棄之王不聽十五年王降翟師以伐鄭王德翟人將以其女爲后辰又諫王王弗聽後大叔通於翟后王絀翟后翟人來誅殺譚伯富辰曰吾數諫王不從如是不出王以我爲憚乎乃以其屬死之

漢蘇建其上世因封居故蘇城蘇忿生爲周司寇居河內後徙武功杜陵故建或稱爲杜陵人以校尉從大將

軍青擊匈奴封平陵侯以將軍築朔方後以衛尉爲遊擊將軍從大將軍出朔方後一歲以右將軍再從大將軍出定襄亡翕侯失軍當斬贖爲庶人後爲代郡太守卒官有三子嘉奉車都尉賢驍都尉中子武自有傳

史記翕侯趙信爲前將軍匈奴誘之遂將其餘騎八百降單于建盡亡其軍獨以身歸

蘇武字子卿少以父任爲郎稍遷至移中厩監時漢連伐胡數通使相窺匈奴留漢使前後十餘輩及匈奴使來漢亦留之天漢元年且鞮侯單于初立恐漢襲之迺盡歸漢使武帝嘉其意遣武以中郎將使持節亦送匈奴

武功縣志

卷之三

奴使歸因厚賂答單于單于見漢幣遺益驕方欲發使送武等會緱王與虞常謀反匈奴中單于使衛律論虞常欲因以降武武不動律更曲爲說武武罵絕之律知武終不可脅白單于單于益欲降武置武大窖中絕不飲食天雨雪武卧齧雪與旃毛并咽之數日不死匈奴以爲神乃徙北海上牧羝羝乳乃歸李陵降後單于又使陵往說武陵因武有悲心焉昭帝卽位遣使求武陽言天子射上林得雁足繫帛知武所在單于驚始還武及其官屬尚在者惠等九人始元六年春武至京師拜

典屬國 子元坐法死以別子通國為郎

移音移移中廡名 且子開切鞮丁奚切且濕後聲  
湖單于之弟 纘王者昆邪王姊子也 虞當長水  
人 衛律使匈奴會李延年家收律懼并誅亡還  
害工孝反大害舊積米粟之害而空者 惠常惠也  
惠初以假吏  
隨武往匈奴

趙禹以佐史補中都官用廉為令史事太尉周亞夫亞夫為丞相禹為丞相史府中皆稱其廉平武帝時禹以積勞遷為御史上以為能至中大夫與張湯論定律令禹為人廉裾為史以來舍無食客公卿相造請禹終不行報謝務在絕知友賓客之請孤立行一意而已嘗中

武功縣志

卷之三

五

廢已為廷尉始條侯以禹賊深及禹為少府九卿酷急至晚節事益多吏務為嚴峻而禹治加緩名為平王溫舒等後起治峻禹禹以老徙為燕相數歲諍亂有罪免歸後十餘年以壽卒于家

中都官若京都府口 裾讀與倨同 禹終不行句  
報謝務在孤立行一意師古曰以此意告報公卿  
史記張湯傳禹終不報謝 條侯亞夫也 為少府九  
卿史記及禹為少府比九卿 王濫舒陽夏人諍布  
內反心意  
昏惑也

後漢蘇竟字伯況平帝時以明易為博士講書祭酒書圖緯能通百家之言王莽時與劉歆共典校書拜代郡

中尉時匈奴擾亂北邊多羅其裊竟終完輯一郡光武  
卽位就拜代郡太守尋拜侍中以病免初鄧仲况擁兵  
據南陽陰縣爲寇而劉歆兄子龔爲謀主竟時在南陽  
以書曉之於是仲况龔降竟終不伐其功潛樂道術作  
記誨篇及文章傳于世年七十卒于家

竟爲講尚書祭酒 仲况延  
岑護軍 龔字孟公善議論

蘇純字桓公建六世孫也有高名性強切而持毀譽士  
友咸憚之至私相謂曰見蘇桓公患其教責人不見又  
思之三輔號爲大人永平中爲奉車都尉出擊北匈奴

### 武功縣志

### 卷之三

### 六

車師有功封中陵鄉侯官至南陽太守

大人長老之稱 後漢書純爲奉車都尉竇固軍  
出擊北匈奴車師有功據此純未爲奉車都尉

李育字元春少習公羊春秋沈思專精博覽書傳知名  
太學深爲同郡班固所重固奏記薦育於驃騎將軍東  
平王蒼由是京師貴戚爭往交之州郡請召育到輒辭  
病去常避地教授門徒數百頗涉獵古學嘗讀左氏傳  
雖樂其文采然謂不得聖人深意以爲前世陳元范升  
之徒更相非折而多引圖讖不據理體於是作難左氏  
義四十一事建初元年徧尉馬廖舉育方正爲議郎後

拜博士四年詔與諸儒論五經於白虎觀育以公羊義難賈逵往返皆有理證稱爲通儒再遷尙書令及馬氏廢育坐爲所舉免歸歲餘復徵再遷侍中卒于官

蘇章字孺文純子也少博學能屬文安帝時舉賢良方正對策高第爲議郎數陳得失其言甚直出爲武原令值歲饑輒開倉廩活三千餘戶順帝時遷冀州刺史故人爲清河太守章行部案其姦賊乃請太守設酒肴陳生平之好甚歡太守喜曰人皆有一天我獨二天章曰今夕孺文與故人飲者私恩也明日冀州刺史案事者武功縣志

卷之三

七

公法也遂舉正其罪州境望風畏肅改并州刺史以摧折權豪忤旨坐免隱身鄉里不交當世後徵爲河南尹不起卒于家

蘇謙章兄孫也初爲郡督郵時魏郡李嵩爲美陽令與中常侍貝瑗交通貪暴爲民患前後監司畏其勢援莫敢發問及謙至部案得其贓論輸左校謙累遷至金城太守去郡歸鄉里後私至洛陽嵩爲司隸校尉爲嵩所

害

漢法免罷守令非詔徵不得到京師  
嵩收謙詰掠死獄中嵩又刑其屍



蘇不韋字公先謙子也年十八徵詣八軍會見殺載其喪歸塋而不葬仰天嘆曰臣子胥何人也乃藏母於武都山中變姓名募劍客刺焉不克又潛鑿地旁達焉寢殺焉值焉在厠止殺其妾及其子留焉而去更以其父首祭謙焉因憤恚死不韋始改葬行喪後不韋竟以爲客陷死

子胥父奢爲楚王所殺子胥復讐不韋日夜飛馳徑到魏郡掘焉父冢斷取阜頭以祭父墓武威段熲與焉素善熲爲司隸乃追咎不韋前報焉事使從事張賢就家收執并其一門六十餘人盡誅滅之  
魏蘇則字文師漢平陵侯後也少以學行聞舉孝廉茂

武功縣志

卷之三

才辟公府皆不就起家爲酒泉太守轉安定武都所在有威名太祖征張魯過郡悅之使爲軍導魯破徙金城太守太祖崩西平麴演文帝以其功加護羌校尉賜爵關內侯後演復結旁郡爲亂則悉平之進封都亭侯邑三百戶徵拜侍中董昭嘗枕則膝卧則推下之曰吾膝非佞人枕也初則及臨菑侯植聞魏代漢皆發服悲哭文帝聞植不聞則也問曰吾受禪而有哭者何也則鬚髯悉張方正論極對傅巽指曰不謂卿也於是乃止文帝以前敦煌獻徑寸大珠復欲求市則對曰陛下化治

中國卽不求自至求而得之不足貴也帝嘿然後從帝獵槎桎拔失鹿帝怒收督吏將斬之則稽首曰陛下欲隆唐堯之化而以獵戲殺羣吏臣敢以死請帝曰卿直臣也遂赦之然以此見憚黃初四年左遷東平相未至道病薨諡剛侯

晉蘇愉字休豫魏侍中則弟二子也兄恬襲侍中爵爲都亭侯恬死無子愉更襲封都亭侯晉受魏禪以爲太常卿遷光祿大夫至尙書卒

後魏蘇稚字天祐魏侍中則之後位至中書侍郎玉門武功縣志

郡守

蘇祐稚子也官至泰山郡守

蘇協亦稚子爲武功郡守

蘇亮字景順祐子也少通敏博學好屬文善章奏與弟湛讓及從弟綽皆著名西土初舉秀才齊王蕭寶寅引爲參軍寶寅敗孝武西遷遷吏部郎中大統二年拜給事黃門侍郎領中書舍人宜都王爲秦州刺史文帝以亮爲司馬謂亮曰黃門侍郎豈可爲秦州司馬直以朕愛子出藩故以心腹相委耳賜以御馬八年封臨涇縣

子除中書監領著作修國史亮有機變善談笑周文帝  
爲丞相甚重之有所籌議率昭會其旨記人之善忘人  
之過薦達後進如恐弗及故當世敬慕焉歷祕書監大  
行臺尙書出爲岐州牧十年徵拜侍中卒所著文都數  
十篇行於世子師嗣起家黃門侍郎

蕭寶夤齊明帝鸞第六子東昏侯寶卷母弟也寶夤

作亂以亮爲黃門侍郎 孝武修西奔都於長安是

爲西魏 文帝寶炬 孝文帝孫 宜都王名式

周文帝秦姓宇文氏 文都北史周書俱作文筆

蘇湛字景儁少有志行頗涉羣書年二十餘舉秀才除  
奉朝請領侍御史加員外散騎侍郎蕭寶夤討關西以

### 武功縣志

### 卷之三

### 十

爲行臺郎中寶夤反令姜儉報湛湛舉聲大哭儉止之  
湛曰白口居家卽時屠滅云何不哭王以窮鳥依人朝  
廷假王羽翼榮寵至此今國步多虞不能竭忠報德乃  
欲乘人閒隙以羸敗之兵守關問鼎破亡之期不旋踵  
矣湛不能以積世忠貞之基爲王族滅也願乞骸骨還  
鄉里寶夤知湛不爲己用於是聽還武功寶夤敗莊帝  
徵湛拜尙書郎謂之曰聞卿答蕭寶夤甚有美辭湛頓  
首謝曰臣與寶夤周旋契闊言得盡心而不能令其守  
節臣之罪也莊帝大悅加散騎侍郎尋遷尙書孝武初

以疾卒於家贈散騎常侍鎮西將軍雍州刺史

魏書蕭衍既克建業將害寶寅寶寅穿牆夜出至壽春之東城主杜元倫任城王澄迎之時年十六至京師世宗禮之甚重孝昌三年反永安三年賜死加散騎侍郎尋遷尚書本傳云拜散騎都尉仍領郎遷中書侍郎

蘇讓字景恕幼聰敏好學初爲本州主簿稍遷別駕武都郡守鎮遠將軍金紫光祿大夫周文帝爲丞相引爲府屬甚見親待出爲衛將軍南汾州刺史有善政卒于官贈車騎大將軍儀同三司涇州刺史

後周蘇綽字令綽後魏武功郡守協子也綽少好學博

武功縣志

卷之三

十一

覽羣書尤善算術從兄讓爲汾州刺史周文爲魏丞相餞於都門外謂曰願言君家子弟可任用者讓因舉綽召爲行臺郎中凡臺中公文皆綽與條式臺中稱能焉僕射周惠達與文帝論事乃綽所量定文帝異之曰孰與爲此議者惠達曰郎中綽也後文帝與公卿觀魚昆明池問故倉地得綽對愈益敬禮乃更泛論天地造化之始歷代興亡之故並馬徐行及池不漁而返詢訪政道夜以達曙整衣而坐不覺其膝之前也卽拜大行臺左丞參典機密大統十一年授大行臺度支尚書領著

作監司農卿文帝方欲革易時政務行疆國富民之道故綽益盡智能牧守令長非通綽六條及計帳不得居官文帝厭文章浮華因魏帝祭廟羣臣畢至乃命綽爲大誥奏行之其文與六條俱見本傳綽性儉素不事產業家無餘財以海內未平常以天下爲己任文帝亦推心委任十二年卒于位年四十九也子威嗣

周文謂周文帝泰 周惠達字懷文文安人 故倉地北史云漢故倉地 六條一先修心二敦教化三盡地利四擢賢良五恤獄訟六均賦役

蘇椿字令欽綽弟也性廉慎沈勇有決斷魏正光中關

武功縣志

卷之三

三

右賊亂椿應募討之授盪寇將軍以功累遷中散大夫賜爵美陽子大統初拜鎮東將軍金紫光祿大夫除都督行弘農郡事椿當官強濟特爲文帝所知十四年置黨州鄉師自非鄉望允當眾心不得預焉乃令驛追椿領兵其年破槃頭氏有功除散騎常侍加大都督十六年征隨郡軍還除武功郡守旣爲本邑以清儉自居小大之政必盡忠恕進爵爲侯位驃騎大將軍開府儀同三司大都督卒子植嗣

隋蘇威字無畏魏度支尚書綽子也襲爵美陽縣公仕

郡功曹周革命宇文護以其女新興公主妻焉初威惡護專權乃逃入山中未幾授使持節車騎大將軍儀同三司改封狄道縣公宣帝嗣位就拜開府高祖爲丞相高頰屢言其賢召入卧內與語大悅高祖受禪徵拜太子少保追贈其父爲邳國公以威襲焉尋兼納言民部尙書多讜言直論語在本傳煬帝立加威上大將軍楊元感反帝曰此兒聰明將不爲患邪威諷之曰所謂聰明者識是非審成敗也元感麤何謂聰明直恐亂自此階耳與宇文述對盜賊事威曰往但據長白山今近在

武功縣志

卷之三

三

滎陽泗水耳復問伐遼東威請赦羣盜遣討高麗上益怒值御史大夫裴蘊希旨劾威詔威除名尋從幸江都帝欲復用威蘊等奏威昏耄乃止宇文化及旣弑帝以威爲光祿大夫開府儀同三司化及敗歸李密密敗歸東都越王侗以爲上柱國邳公王世充僭號署太師太宗平王世充威請謁見稱老病不能拜起太宗遣人數威曰公隋室宰輔政亂不能匡救遂令品物塗炭君弑國亡見李密王世充皆拜伏舞蹈今旣老病無勞相見也尋歸長安請見高祖又不許卒于家年八十二歲

北史本傳周文帝時襲爵美陽縣公 宇文護周文帝泰長兄邵惠公顯子 高顯字昭元一名敏渤海人 兼民部尚書按本傳文帝九年拜尚書右僕射 加威上大將軍按本傳文帝九年拜尚書右僕射 軍賜爵房陵侯尋進封房公 楊元感隋越國公素子 宇文述代郡武川人父盛仕周位上柱國 裴蘇聞喜人祖平父忌並南史有傳 化及述子

蘇夔字伯尼威子也起家為太子通事舍人楊素奇之素每戲威曰楊素無兒蘇夔無父後與鄭譯何妥議樂不行著樂志十五篇以自見仁壽三年詔天下舉達禮樂源者晉王昭為雍州牧舉夔與諸州所舉五十餘人調帝帝指夔謂侍臣曰唯此一人稱所舉於是拜晉王

武功縣志

卷之三

古

友煬帝嗣位歷太子洗馬鴻臚少卿關中盜起詔夔巡關中以功進位通議大夫坐父事除名後會丁母憂不勝哀卒時年四十九

北史夔博覽羣言尤以鍾律自命初名哲字知人父威由是改之

唐劉文靜字肇仁父韶仕隋戰死贈上儀同三司文靜以死難子襲儀同儻有氣略大業末為晉陽令與晉陽宮監裴寂善寂夜見邏堞傳烽歎曰天下方亂吾將安舍文靜笑曰如君言英豪所資也吾二人可終羈賤乎高祖為唐公鎮太原文靜察有大志深自結納既又

見秦王謂寂曰唐公子非常人也豁達神武漢高祖魏  
太祖之徒歟俄坐李密親繫獄秦王顧他無可與計者  
私人視之文靜喜挑言曰喪亂方剡非湯武高光不能  
定也王曰今過此非兒女子相愛直欲與共大計文靜  
曰上南幸兵填河洛盜賊崢結大連州縣小阻山澤誠  
能投天會機奮義大呼則四海不足定也今汾晉避盜  
者文靜素知其豪傑一朝號召十萬眾可得也加尊公  
府兵數萬一下令誰不願從鼓而入關以震天下王業  
成矣王笑曰君言正合我意於是卒起兵以文靜爲司  
武功縣志

卷之三

五

馬竟平隋有天下後爲裴寂所構與弟文起並坐法貞  
觀三年詔追復官爵

蘇世長祖彤仕後魏通直散騎常侍父振周巖州刺史  
建威縣侯父死王事詔世長襲爵入隋爲長安令大業  
末爲都水少監煬帝被弑發喪慟聞行路更爲王世充  
太子太保戍襄陽高祖與之舊數遣使喻降世長輒殺  
之洛陽平始歸帝帝謂世長世長對曰古帝王受命以  
比逐鹿一人得禽萬夫歛手豈有獲鹿後忿同獵者問  
爭肉罪邪帝笑釋之授玉山屯監引兒元武門與語平



生後又拜諫議大夫帝欲獵武功時武功新經突厥之  
寇世長諫之不聽後與宴披香殿世長曰此殿煬帝作  
邪何雕麗底此帝曰卿好諫似直然詐也願以我所作  
爲煬帝邪對曰臣聞瓊宮鹿臺非受命聖人所爲者陛  
下武功舊第才蔽風雨時以爲足今天下方厭隋侈以  
歸有道宜刈淫奢復朴素乃雕飾如此欲易其亂得乎  
帝咨重其言歷陝州長史天策府軍諮祭酒引爲學士  
貞觀初使突厥與頡利爭禮不屈拒卻賂遺朝廷壯之  
出爲巴州刺史舟敗溺死

武功縣志

卷之三

六

蘇勗字慎行武德中爲秦王咨議典籤文學館學士尙  
南康公主拜駙馬都尉遷魏王泰府司馬博學有美名  
泰重之勸開館引文學士著書名家歷吏部侍郎太子  
左庶子卒

蘇良嗣世長子也高宗時爲周王司馬王年少不法良  
嗣數諫王以法繩府官不職者甚見尊憚帝異之遷荆  
州長史帝遣宦者采竹蒔上苑所過縱暴至荆良嗣囚  
之上書言狀帝下詔慰獎取竹棄之徙雍州垂拱初遷  
冬官尙書拜納言封溫國公留守西京賞遇尤渥尚方

監裴匪躬建言鶩諸苑果蔬儲利良嗣曰公儀休拔葵去織未聞天子賣果蔬與人爭利遂止遷文昌左相同鳳閣鸞臺三品遇薛懷義于朝懷義偃蹇良嗣怒叱左右批其頰曳去武后聞之戒曰第出入北門彼南衙宰相行來勿犯之載初元年罷左相加特進仍知政事與韋方質素不平方質坐事誅引逮之后辯其非良嗣悻謝不能興輿還第卒年八十五詔百官往弔贈開府儀同三司益州都督

**蘇瓌**字昌容隋僕射威曾孫也擢進士第歷朗歛二州

武功縣志

卷之三

七

刺史來俊臣貶州參軍人懼其復用多致書請瓌瓌叱其使曰吾忝州牧能過待小人乎俊臣恨之由是連外徙不得入神龍初始入爲尚書右丞再遷戶部尚書拜侍中留守京師中宗復政力毆鄭普思流儋州累拜尚書右僕射同中書門下三品進封許國公中宗崩遺詔太后臨朝相王以太尉輔政宗楚客阻之瓌正色曰遺制乃先帝意安得輒改韋氏敗睿宗卽位進左僕射景雲元年老病罷爲太子少傅卒年七十二贈司空荊州大都督諡曰文貞開元二年擢中子父左補闕六年詔

配享睿宗廟庭太和中錄舊德官其四代孫翔

**蘇幹**環從父勗子也擢明經授徐王府記室參軍王好畋每諫止之垂拱中遷魏州刺史河朔饑前刺史苛暴百姓流徙幹檢吏督姦勸課農桑由是流冗盡復以治稱拜右羽林將軍遷工部尚書來俊臣素忌之誣幹與琅邪王冲通書繫獄發憤卒

**蘇頲**字庭碩瓌子也幼敏悟一覽千言能覆誦第進士調烏程尉再遷監察御史被詔覆來俊臣冤獄多所洗宥遷給事中修文館學士拜中書舍人時環同中書門

武功縣志

卷之三

六

下三品父子同在禁苑朝廷榮之元宗平內難凡制詔皆頲所爲又遷工部侍郎以父喪不拜終制後詔以爲中書侍郎知制誥始給政事食尋襲封許國公開元四年進同紫微黃門平章事修國史與宋璟同當國璟剛正多所裁決頲能推其長帝前敷奏璟有不及輒助成之故帝皆納焉璟曰吾與蘇氏父子同爲宰相僕射長厚自是國器若獻可替否事至卽斷公不顧私則今丞相過之八年罷爲禮部尚書又檢校益州大都督長史按察節度劍南諸州從封太山詔頒朝靴壇世咨其文

還分主十銓事卒年五十八詔贈右丞相諡曰文憲文章與張說齊名時號燕許大手筆云

蘇誥字廷言頊弟也舉賢良方正高第累轉給事中時頊爲紫微侍郎固辭帝曰朕自用誥卿奚不若邪奚也出爲徐州刺史治有良迹贈吏部侍郎

蘇震誥子也以蔭補千牛十餘歲強學有成人風累遷殿中侍御史長安令祿山陷京師震與崔光遠殺開遠門吏棄家出奔會肅宗興師靈武震晝夜馳赴行在帝嘉之拜御史中丞遷文部侍郎廣平王爲元帥以震爲武功縣志

卷之三

五

糧料使二京平封岐陽縣公改河南尹累封岐國公拜太常卿代宗幸東都復以爲河南尹未行卒贈禮部尙書

富嘉謨舉進士長安中累轉晉陽尉時新安吳少微亦尉晉陽旣相友善有魏谷倚者爲太原主簿並負文辭時稱北京三傑天下文章尙徐庾浮俚獨嘉謨少微本經術雅厚雄邁人爭慕之號吳富體預修二教珠英韋嗣立薦嘉謨少微並爲左臺御史已而嘉謨死少微方病聞之爲慟亦卒

則天詔張昌宗撰三教珠英於內引文士李嶠等二十六人分門撰集成一千三百卷開元中張說與徐堅論近世文章說曰富嘉謨如孤峰絕岸壁立萬仞濃雲鬱興震雷俱發誠可畏也若施於廊廟駭矣

蘇源明初名預字弱夫少孤寄居徐克工文辭有名天寶間及進士第更試集賢院累遷太子論德出為東平太守詔為國子司業祿山陷京師源明以病不受偽官肅宗復西京擢考功郎中知制誥值禁中禱祠窮日夜而史思明陷洛陽詔幸東京親征源明上疏極諫帝嘉其切直遂罷東幸以祕書少監卒

蘇弁字元容瓌從孫也擢進士調奉天主簿德宗出狩

武功縣志

卷之三

縣令計事在府官屬皆惶恐欲遁走弁曰昔肅宗幸靈武至新平安定二太守坐伏匿斬以徇諸君知之乎眾乃定車駕至儲峙畢給帝嘉之試大理司直朱泚平進監察御史累擢倉部郎中判度支裴延齡死帝召弁見延英賜紫衣金魚以度支郎中副知度支事位郎中上度支有副自弁始弁通學術吏事精明承延齡後平賦緩役略煩苛人賴其寬久之遷戶部侍郎判度支改太子詹事尋坐腐粟貶汀州司戶參軍是時兄袞為贊善大夫冕京兆士曹參軍以弁故貶袞永州冕信州皆司

戶參軍表年老眼不能視帝閱之聽選又有稱楚才者  
帝悔不用重追免遂不復用數年起升爲滁州刺史卒  
升聚書至三萬卷手自讎定當時稱與祕府埒云

蘇鶚未詳其行事崔豹古今註云有行義集十卷

元讓摠明經以母病不肯調侍膳不出閤數十年母終  
廬墓次廢櫛沐飯菜飲水咸亨中太子監國下令表闕  
于門永清初巡察使表讓孝悌卓越擢太子右內率府  
長史歲滿還鄉里人有所訟皆詣讓判中宗在東宮召  
拜司議郎入謁武后望謂曰卿孝於家必能忠於國宜  
武功縣志

卷之三

五

以治道輔吾子尋卒

蘇檢字聖用舉進士歷中書舍人昭宗天復二年拜工  
部侍郎同中書門下平章事朱全忠崔允反復爲姦朝  
廷急於累卵檢以韓偓有才辨數言于李茂貞欲以相  
偓倥傯附允知事不可不肯拜初茂貞與諸宦者恐上  
自別用人故協力薦檢明年二月丙子允與全忠竟害  
檢

夫蘇氏除世長至允史各有傳予讀唐書宰相世表觀  
其人至繁衍顯盛也今略序之使好事者得前說焉按

表蘇氏猶有祕書監一人踐言都督一人琛駙馬都尉

二人彥伯雲郎中二人綰工部獻駕部刺史八人

澄沁州均虔州務寂梓州妙泉州易黃州奕光州繫

潞州太府卿一人檀太守一人顏淮安驍衛將軍一人

韃國子司業一人虔王傅一人盈而其系推自平陵侯

檢別為蘇氏非平陵侯後

踐言良嗣子 琛實次子 彥伯良嗣孫 雲良嗣

曾孫 綰澄子 獻幹子 實夔子 澄威孫 均

助子 務寂踐言子 妙父子 易迺孫 奕訛孫

字執儀繫孫 檀良嗣元孫 顏環子 按表又有濟州刺

武功縣志

卷之三

三

宋蘇曉字表東父瓚仕後唐歷祕書少監曉宋初為淮

南轉還使歲入百餘萬緡開寶三年遷司勳郎中改西

川轉運使仍掌京城市征發李守信賊拜右諫議大夫

判大理寺卒年七十三然深刻少恩非長者云

李守信市木秦隴間盜官錢鉅萬既受代為部下所發至中牟自剄於傳舍太祖命曉案之逮捕甚眾

游光濟官至大理寺丞贈朝請郎子師雄最知名

蘇昞字季明與游師雄同學于張載乃後昞又卒業二

程元祐末呂大忠薦之起布衣為太常博士坐元符上

書人邪籍編管饒州卒

大忠字進伯大臨之兄薦明其德性純茂強學篤志行年四十不求仕進真西山讀書記云胡安國譏昞越職上書必有非所宜言者

游師雄字景叔第進士爲儀州司戶參軍順德軍判官與鄜延諸將計議邊事賴以無患元祐初爲宗正主簿議棄四砦事甚力執政弗從遷軍器監丞夏人謀分據熙河師雄語劉舜卿制之之策已而皆大捷斬獲幾四千人虜鬼章及其大首領九人遷陝西轉運判官提點秦鳳路刑獄夏人侵涇原復入熙河師雄議於定西通渭之間建三澗及護耕七砦以固藩籬爲無窮之利詔

武功縣志

卷之三

三

以師雄議付范育人拜禮部員外郎加集賢校理爲陝西轉運使計轉輸事上皆從之有詔詣闕哲宗勞之曰洮州之役可謂雋功但恨賞太薄耳拜衛尉少卿上數訪邊防利病師雄具慶歷以來邊臣施置之臧否朝廷謀議之得失及方今禦敵之要凡六十事名曰紹聖安邊策上之出知河中府進直龍圖閣知秦州未至夏人擾邊詔攝熙河與使者及秦帥共謀之師雄志在築城守禦而使者方銳於計擊然卒用師雄策自復洮州之後于闐大食佛林迦黎諸國皆懼悉遣使人貢未幾還秦



徙知陝州卒年六十師雄慷慨豪邁少有文學事橫渠張載益得其奧及被委用有志事功議者以用不究才爲恨弟師韓亦以英俊知名子靖竝竦皆舉進士傳其家

游靖舉進士爲河南府左軍巡判官管勾秦鳳路機宜文字有學行克肖厥父文章簡易順理時以爲工

元康氏諱廷瑞字子安讀書長寧西門原上有弟子數百人宗師于安明性理之學於是稱之曰西原先生後辟爲興化訓導其行事見家譜大傳孫諱汝楫在皇明最有勲德

武功縣志

卷之三

三

皇明康氏諱汝楫字濟川洪武初舉明經爲縣學訓導太祖皇帝選天下文學知名之士教太子諸王乃以訓導爲燕王相參錄其軍國事洪武末出爲安岳知縣靖難後太宗皇帝徵赴行在拜行部左侍郎留北京輔皇太子凡城守置治事皆聽便宜行之侍郎有大勲德上將封之爲侯固死不拜比卒又上表乞勿賜贈諡上竟皆允之一日上召其子俱來值中子年賈在外迺以長子諱爵爲上林苑監左監正季子禮爲監副又賜中子

年千金鏹數十千貫勅關津吏往來不得詰察上謂廷臣曰侍郎忠其子孫必忠聞侍郎尚有孫侯長當弁官之又曰二子初仕或未諳悉法禁錦衣衛可記名有過勿刺洪熙元年贈工部尚書諱爵字以德在上林即條陳山西苑戶久役之苦上皆從之累遷南京太常寺卿禮字以敬有文名官至右通政太常子諱健字自強天順初有詔起尚書孫應祀者受通政司知事知事子諱鏞字振遠世稱康長公以文章名世曰關西夫子仕爲平陽府知事其言語行事並見家譜大傳子阜字德

武功縣志

卷之三

三

瞻七歲能詩十八歲死以次子海贈翰林院修撰

馬京字子高少學於康尚書以文學知名洪武十三年進士及第授翰林院編修永樂初拜行部右侍郎未幾卒仁宗皇帝贈少傅禮部尚書諡文簡京爲人方正有才思立朝多所建明上嘉納之然取之固圉之中而卒於効用之始故其美大莫究時論惜焉子健以蔭爲太常寺典簿後至兵部主事天順末主事孫昭舉鄉試後爲武邑知縣昭子安以例爲國子生終滎河知縣

按明史京與陳壽許思溫煥死獄中洪熙元年贈榮祿大夫少傅諡文簡志云取之固圉之中卒於効用

之始又云贈禮  
部尚書俱無考

列女帝嚳元妃姜原有釐氏女也初無子與帝嚳禋祀郊媒以求有子出遇巨人跡悅而踐焉震動有孕乃生后稷是為周人生民之祖詩曰厥初生民時維姜原蓋此之謂也餘見史記周本紀

太姜者周太王妃有邠氏女也生太伯仲雍王季太姜有色而貞順率導諸子至於成童靡有過失太王謀事必於太姜太姜相太王修復后稷之業積德行義至其孫武王遂有天下此太姜之德也

武功縣志

卷之三

美

符秦竇滔妻蘇氏名蕙字若蘭陳留令武功蘇道質第三女也年十六歸于竇氏滔甚敬之符堅寇襄陽以滔為安南將軍留鎮襄陽滔攜寵姬趙陽臺往蘇氏怨之不肯與俱而滔竟與斷音問後蘇氏悔恨自傷因織錦為回文縱廣八寸計八百餘言縱橫反覆皆成文章因以寄滔襄陽滔覽之感其意於是迎蘇氏來襄陽而歸陽臺於關中恩好愈篤焉著有文詞五千餘言隋亂不傳止傳其回文回文有武后記言蘇氏事甚詳

皇明丁氏喬銓妻銓死無子守節四十餘年始終無玷

正德二年知縣鍾仁以問後八年命始下知縣紹表其門

喬氏李銳妻銳死貧無以依挈其女居故族兄祿家織絀自活幾四十年女子已嫁值婿死乃更與女居節操莊嚴士大夫累言諸有司知縣瑋至始上聞于朝云王氏周村人郝讓妻讓少喪父母武氏年二十餘寡居辛苦萬狀匍匐至讓成立爲取婦有子子夭乃讓亦死王氏親郤多勸之嫁不從曰有姑在不可無與養也姑乃更勸之王氏曰姑昔值舅亡有盛年艾容誓死不更武功縣志

卷之三

七

選舉志第七

武功代有豪俊其被與選舉要不抄矣自傳記所覩載者魏有蘇則舉孝廉後魏有蘇亮蘇湛舉秀才唐蘇瓌蘇頲蘇踐言蘇綰蘇獻富嘉謨蘇弁蘇亶蘇奕蘇愷蘇顏蘇處蘇檢舉進士蘇幹元讓蘇澄蘇均蘇務寂蘇妙蘇易蘇繫擢明經蘇誥蘇盈舉賢良方正宋游師雄游

靖游竝游議游竝游疎元張泰皆舉進士泰子張緝孫  
張顯舉鄉貢明興科舉之制未定其舉明經有先尙書  
公舉進士有馬文簡公舉人材有吉安府同知王璽瑞  
州府同知文顯德安倉大使康舉自科貢之制定士非  
此不能仕今列諸科貢者於篇使後世足覽焉

科洪武十二年一人馬京見前三十年二人黃琮岳州府通判

成禮涪州訓導三十三年三人張羽顯子文水縣知縣李源高唐州吏目

董巖長清縣知縣

永樂元年一人舒忠朔州學訓導三年一人李欽驍騎衛經歷六

武功縣志

卷之三

天

年一人景昇房山縣主簿九年二人張純于岩武邑縣學訓導十二

年一人趙庸十五年二人魏浩譙忠十八年三人楊肯

張敏武成二十一年二人劉徵引禮舍人王斌

宣德元年一人符信以子秦封鄭府右長史

正統三年一人符泰洪洞永平學訓導林偃城學教諭鄭府右長史六年一人

丁璿乙丑進士行人九年二人張翺清遠肅寧縣縣承絳州判官李紀

趙州學訓導十二年一人景丙昇子

景泰元年二人張輔羽子太原府推官劉縉臨縣知縣四年二人陶

清馬昭京孫武邑縣知縣七年一人馬驥潞城學訓導房山南部縣知縣

天順三年一人丁仕能學從子濰縣平陸富順六年一

人李琳武強縣知縣

成化元年二人李得春平陽南陽府學訓導馬駒驥弟

年進士戶部主事員外郎河南按察司僉事布政使致仕七年一

人魏璽潞城鹿邑學訓導吳江商河學教諭密

一人文朴顯從曾孫浮山縣知縣

弘治二年二人侯相蒲州學正湯楊和閩中臨淮訓導

涪州十一年三人楊秉中舟子正德六年進士行人監察御史康海

翰林院修撰劉臣丹稜縣知縣十四年一人李堯賓得春子

武功縣志

卷之三

无

七年三人康浩鑿中子正德六年吳世瞻銅梁縣知縣張舜

舉羽元孫太原麻城學教諭儀封內鄉縣知縣

正德二年一人趙雍熙壺關任邱學教五年二人楊瑄

景懷子許朱維屏縣學訓導十一年二人牛兆祥經子登州

府同知李朝綱陽曲縣學教諭十四年二人耿儒廣平通判

耿朝用霸州知州

貢洪武時十人鄭岩邑縣知縣張憲部主事袁溥刑

一年浙江按察司僉事王裾壽縣知縣仁崔裕昌學訓導楊貞

二十七年王用部員外郎鄧恣按察司經歷楊凱

三十三年銅張貞五年

永樂時十人張謙二年廣南鄭訥四年耿輝六年府軍王

郁年劉鈞十年定興楊沂十二年留守徐智十四年何王

十六年四川馬健十八年鴻臚虎文三十年

安撫司吏目馬健寺引禮舍人

洪熙時一人文郁元年隰州吏目

宣德時六人李璿二年宋瑀四年王佐六年何著八年墊江朱

琛九年董璉十年

正統時十四人鄧信元年李茂二年宇文泰三年光祿寺監

馬良四年包整五年富州吏目宇文政六年李恭七年李俊八年段進九年

武功縣志 卷之三 三

曲陽縣李籽十年平陽殷倫十一年張本十二年三萬衛

司都王瑾十三年王張隆十四年

景泰時七人趙興元年大許敬二年劉福三年江都党惠

四年澤州學訓導鄭莊五年馮寅六年內鄉縣丞張

鳳年七年天順時四人曹俊二年李永四年順慶王翰六年江寧申

靖八年荻水六年又許貢四十已上者十人郭維新東

府知尚望中城兵馬副指侯清蒙城苟容絳州稅課李

事尚義葛瑤衛輝遞運甯春楊福河陰縣劉武溫江縣任

和

成化時十一人張繪二年安慶府山于壽年四李文圃六年

序班臨胸康長公諱鏞八年馬負圖十年杞康演舉會

二年段子玉武縣主簿修康錫長公弟十六張通池縣主簿

李迪二十二年衛劉振州府檢校

弘治時十一人閻秀元年夏縣主簿楊舟二年夏縣學訓張巽

羽孫丁丙七年大同左衛學李本九年金堂朱聰十年

蠻夷長官牛經州府一年常康錦長公季弟十二党資祿

司吏日順縣丞劉大經同縣丞馮義寅子十七年南城

武功縣志

卷之三

三

正德時張鸞朔季子元年朔蔡蘭三年宜陽康永嘉演

五年符珽泰子五年趙章七年奉化楊珂景隆子九年順

党旺惠子十一年張儒珍十三年河張秉朔中子

武功之士所進用於昌時者如是而已舊志不列其行

事夫國家承平百五十年諸君子豈無表然在人者今

已不述後何以觀焉余於是懼因鄉先生各道其所知

乃略著其行事於乎盛哉錄不及其存者君子事定於

蓋棺之後也

張憲美儀羽侗儻有氣年十八歲貢人太學太祖愛之



以爲刑部主事上每以部中事問憲憲應對殊有條理同官有罪者或引及憲上曰是我少主事邪必非若此遂置不問乃後竟以引逮謫戍鞏昌至元孫瑛有功陞百戶

袁溥字汝公爲浙江按察司僉事有令名訟者至則迎刃而決無有凝滯以望誤左遷吳縣知縣後又坐解戶失金謫戍

黃琮字伯玉通周易爲岳州通判能其官人稱廉平歸時行李蕭然若諸生時也

武功縣志

卷之三

三

張羽字仕儀爲文水知縣政令嚴明發摘若神桀民有稱十虎三彪一太歲者羽悉按法徙之時以爲能

王用初爲刑部主事用法平恕私門亡所交接事問太祖皇帝嘉賞之因遷員外郎

李紆爲平陽府通判平陽人云有遺愛焉

符泰字伯亨信子也舉時年十八在太學問母憂徒跣至家廬居墓側者五百日父命徙歸乃更廬于中門外免喪除洪洞訓導能以禮教諸生自令丞士大夫以下皆效之有繼母憂改永平學天順初上言十一事極

論時政得失訓導滿遷林縣教諭先是吏部以泰撫選御史會曰省不預再有繼母憂改假城攝假城縣民以爲平乞爲令巡撫累疏薦補不報教諭滿乃拜鄭府右長史在鄭府多有諫正王敬納之詳見家集泰篤厚恭謹孝友天成居鄉守官人無間言年六十七卒于官子珽爲西鄉學生正德五年貢太學

丁璿字大器第進士除行人爲人溫恪罔躁所交人無小大皆敬信之卒後士大夫過者必哭加賻焉成化甲辰饑李侍郎來賑關中行縣至則首訪其家拜其妻歎

武功縣志

卷之三

三

曰吾大器乃如此天乎善人何尤卽以所有資俸盡與之後其妻亦以貧死子紹先讀書無成死無子

張翺字鳳儀爲清遠縣丞有惠政士大夫至今傳誦其賢改肅寧治效若清遠後遷絳州判官益爲絳人所愛子秉鸞皆歲貢

李紀以貧爲趙州訓導質朴無華教人勤懇詳至罷歸後乃益貧又不欲干謁人猶聚徒教授取給焉可以知其志矣

馮寅字子敬未仕時聚童子爲小學之教凡灑掃應對

之屬曲盡其節後爲內鄉丞歸已足以自養矣猶慕  
教人不憚煩碎有古晉鄉先生之風焉今士大夫謝仕以  
居者或不欲自課其子孫況凡民童子哉

子敬爲對山蒙師嘗奇對山而  
予之可謂能知人矣見對山集

尙望字周臣爲中城兵馬副指揮有膽氣能不奪於豪  
貴禁奸止暴令出唯允中城人殊敬畏之至今猶以爲  
良兵馬云有劉原者故無子以養子治業及原有子原  
未幾死矣養子私其蓄積毋肯與原子原妻歷訴皆爲  
養子請托失理一日妻夢原令訴望所妻來訴望已先

武功縣志

卷之三

三

夢原訴指其匿貨所在隨發得之人以爲神遷順天府  
推官致仕年七十卒

馬驪字漢房潞城訓導遷房山知縣有父憂改南部性  
爽慨重然諾好義有氣隣里婚喪多所成助出白金急  
人之難無慘色篤愛同氣老而不倦罷南部歸日與  
士大夫故舊遊宴相樂曰歲月如坂上走丸直不可不  
遣也年六十五卒于家

楊福字宗善甘貧嗜學居寶意上方從游及門者若將  
百人福每雞鳴而起寒暑風雨無所間後除河陰訓導

以所教於實意者教之士子沛然從焉至今河陰人猶稱福善教不忘也福後卒於河陰

李得春字時魁初爲平陽訓導年甚少也能自治威嚴諸生成畏憚之後改南陽金城段先生堅知南陽獨禮重之段先生號有理學故得春益造詣罔謬遷壺關教諭以憂改榆次致仕歸貧至居傲不葺人以其爲難未嘗請託長吏閒居詠歌古昔絕不談世事年八十卒

魏璽字廷寶歷潞城鹿邑訓導吳江南河教諭所至皆有嚴憚遷國子助教再遷代府右長史卒于官璽爲人

武功縣志

卷之三

三

質直好義嗜學秉禮平日未嘗妄言謾論聞非禮之言則耳頰俱赤待人無畧寡小大各得所敬曰施報之際固宜若此爾年六十八卒

侯相字良弼以親老求爲蒲州學正學正滿遷湯陰縣知縣湯陰道衝政繁相欲以簡易爲理遇當塗者或至闕略體面當塗者乃以爲迂相益自信不肯易居二年有憂歸尋罷縣貧居尙志年五十八卒

其以例入監者天順六年四人王聚

大同府知事張禮

承字文潛廣安州同知

承字文慶通江縣

成化二十年八人郭友鴻臚寺序班王縉聚子鴻臚寺序班馬萬國驥子雙流

曹縣主簿馬萬衢驥子清豐陳紀伊德馬安昭子東安主簿萊縣

縣丞蔡河王大經聚子伊府正德三年十人王佩昭子馬萬域驥子魏鏞璽子劉璣

大經子馬執中馴姪王官丁誥紳子張世珣王繼祖大經子

王堂璣子十年三人張仲儒馬正中馴子馬存信安子

掾史入官者成化已上縣不過數人今益多不可勝紀

矣取其卓然名於官者列諸篇焉

張輝廣陵縣典史李能內鄉縣典史楊景隆鳳陽廣濟關河泊所官景德章

武功縣志 卷之三 三

南樂縣楊景懷光祿寺監事丁紳邯鄲縣典史賀澄蠡縣典史楊

景新河津縣主簿王昭丹稜縣典史張翹濟南遞運大使宋得山溧水縣典史

魏經高縣典史武職趙興蔚川衛指揮同知靳通定遠後衛指揮僉事秋敬會州衛千戶王大

秦州衛百戶至子杜安開平衛副千戶馬記留守前衛副千戶張瑛憲

英陞洮州衛千戶孫鞏昌余四涼州衛百戶李貴寬河衛百戶賀胡兒河州衛百戶李忠

衛百戶興隆左衛百戶

封贈尚文英望父贈中城兵馬司副指揮馬肅馴父贈戶部主事康鑿長公弟

父贈戶部主事

部主事

部主事

耆氏馬宗錄有信義持是非鄉人服焉年九十三歿  
康和舉子長厚有禮於物無所忤常自言曰人唾吾拭  
人打吾避人罵吾謝吾何較乎人至今稱其言  
党端富財好義喜怒不形有偷兒夜入其廡端察得之  
謂曰不足何不告我而若此更以所偷令子弟予而遣  
之終身不肯言偷兒名

喬鼎謹厚詳審於人無所爭與弟稟並有良名又皆頎  
貌美髯鄉人曰曰大髯小髯云

張朋舉親宗睦隣無所怨惡歿時年八十有九

### 武功縣志

#### 卷之三

三

許西子曰余爲武功志其義例皆見諸篇余不知其詳  
與略也故猶望後之君子繼而正焉志作於正德十四  
年秋七月朔日成於是秋八月三日冬十月十九日隴  
郡馮韶書成大梓

### 原跋

夫志鄉國之史作者詳或失之泛簡或失之略私或失  
之誣取舍不一如是志法廢矣昔者司馬氏世爲太史  
談未及者遷畢其論著爲史家獨步我康長公會作武  
功志散失不存對山太史繼而成之其繁簡取舍咸得

精守說者謂不愧司馬父子其知言哉正德庚辰春二月北門居士楊武跋

武字宗文岐山人官僉都御史

武功縣志

卷之三

三